

Bible. John. Idyo. (1903.)

EBI EGBERI NE

S T. J O H N

GE YEMI.

NEMBE BEBE.

LONDON :

PRINTED FOR THE

BRITISH AND FOREIGN BIBLE SOCIETY.

1903.

EBI EGBERI NE
S T . J O H N
GE YEMI.



CHAPTER I.

1 TITARI koro ifemi ghọ Egberimi timi, nte Egberimi Ayeba na timi, nte Egberimi Ayeba.

2 O bo titari koro ifemi ghọ Ayeba na timi.

3 O dugo tolu ghọ yemabise wọ teme; nte o yefa timi a teme worio mayemabise ka teme gha.

4 O ghọ numo emi; nte numomi konongu tukpami.

5 Nte tukpami atankoro ghọ sani; nte atankoromi ain gban gha.

6 Gbọri kumo Ayeba ghọ bo, o iremi John.

7 Oribọbei onyaye eresini bo, anire o tukpami ghọ onyatie mbara eresini, anire konongumeinbise o dugo tolu ghọ meremu mokune.

8 Ori tukpami gha, nte o bo tukpami re ghọ onyatie mbara ne bo.

9 Kesi tukpami emi, tukpa ne segborumi bo ongumeinbise tondeyo yemi bo.

10 O segborumi ghọ timi, nte segborumi ori re ghọ teme, nte segborumi o nimi gha.

11 O o barana ayema dugo bo nte or' ongumein o danẹke gha.

12 Nte eni ne o danẹke ongumein, o egbeyemi eke ein pre bo Ayeba owoma suo, eni ne o iremi gho meremu ongumein bo:

13 Ein bo di mi oduaima gha, imenimi tonye gha, anigha keme togu tonye gha, nte Ayeba re tonye.

14 Nte Egberimi bo imeni suo, wa ogbo gho timi (nte wa o bomomi ere, Daubo kieri di worio kpokpo gbori yai bomo rembe) papapreye na kokobaiye na beinnimi.

15 John o gho onyatie, nte ilogute beghamene, Bei ori ne a fie timi bobei, Ori ne ini obu gho boyo bobei, bo i gho titaribobo suote: ori i gho titari eresini.

16 O beinmi re wabise wo danekete bari papapreye gho sou mu papapreye la ka.

17 Moses dugo tolu gho ologomi eke pre; papapreye na kokobaiye na Jesus dugo tolu gho bo.

18 Gbori kumo kumo ka bene bene din ifemi gho mani Ayeba ere gha nimi; nte kpokpo gbori Yaibei, Daubei biotugumi gho emi bobei, o gba barainmote.

19 Nte mi John onyami, Jew ongumein Jerusalem gho egbegua ongu na, Levi ongu na feremo mu o bi ifemi, Eri tubo?

20 Nte o pagate, pigi gha, o pagate beghamene, Eri Christbei gha.

21 Nte ein o bi, ani ebaba eri tubo? Eri Elijah an? Nte o beghamene, Eri gha. Eri ye-ere-berebobei an? Nte o meremute, beghamene, Ongha.

22 Animieresini ein webe eke o beghamene, Eri tubo? anire wa meremuye eke mu gba wa feremo bo ongumein prenyo. I teiye webe inibodu fiemote?

23 O beghamene Eri gbori kumo pogo ne piri ogbomi gho iloguyo ye, Nyanabobei etelimi o wo mie gbasiamo, Isaiah ye-ere-berebobei fie barambo.

24 Nte Pharisee ongumein re ein feremo bo.

25 Nte ein o bite webe eke o beghamene, Ani ebeba tobara mieta i baptiziyo, eri Christbei ka Christbei gha, Elijah ka Elijah gha, anigha ye-ere-berebobei ka ye-ere-berebobei gha ebeba?

26 John ein meremute beghamene, Eri mindi eke baptizi: nte o rogbo gho, o nimi gha gboribo tie nimi,

27 Ori ne in obu gho boyo bobei, or' agbaka kpo digimi ka a kpukpo egbe gha bobei.

28 Mama yema Bethany gho wo mie Jordan saba angami gho, John timi baptizi timi yomi.

29 Ain dugomo enemi Jesus o dugo bo timite o ere, nte o beghamene, Digi, Ayeba onana togubei ne segborumi gho seimi wo sogiosin-bobei!

30 Bei ori ne a fie timi bobei, in obu gho i gho titari timi gbori kumo boyo, o titari i gho timi eresini.

31 Nte a o nimi gha, anire o reke barainmo Israel dia mokune, meme eresini a bo eke baptiziyo.

32 Nte John onyatie, beghamene, Tememi kuku bara eke heaven gho korobo timite a ere; nte o gho gbana.

33 Nte a o nimi gha; nte ori ne i feremo bo

mindì ẹkẹ baptizibọbei, ori wẹbẹ ì bẹ wọrio, Tememi ideribo gbanatẹ í ẹrẹbọ ẹrẹbọ, anibombo ori nẹ Ebi Tememi ẹkẹ baptizinyobọbei.

34 Ntẹ a ẹrẹtẹ, bari onyatịẹ bei Ayeba Yaibei barami.

35 Bari ain dugomọ enemi John na bari o tugudugo ongumein ghọ ma kẹmẹ na tiẹ timi ;

36 Ntẹ Jesus monde timi barami o wẹrẹ, ntẹ beghamenẹ, Digi, Ayeba Onana togubei !

37 Ntẹ ma tugudugo ongumein o fie timitẹ na, ntẹ ein Jesus dugo.

38 Ntẹ Jesus wage ein o dugoyo barami ẹrẹ, ntẹ wẹbẹ ein beghamenẹ, O tei dogeyo? Ntẹ ein wẹbẹ o beghamenẹ, Rabbi (animi ẹkẹ beyo yemi, ain tugumi, Telimọbọ), í tiọ angayo?

39 O wẹbẹ ein beghamenẹ, Bo digi. Animi-eresini ein bo, o angayo yomi ẹrẹ; ntẹ ein ani enemi ẹkẹ o na timi, ani oyi karamọ auwa ifiemi.

40 Ma kẹmẹ mein ghọ gboribọ nẹ John fietẹ natẹ o dugo bọmi, Andrew, Simon Peter munabọbei.

41 O titari o barana munabọ Simonbei ẹrẹ, ntẹ wẹbẹ ẹkẹ o beghamenẹ, Wa Messiahbei ẹrẹtẹ (animi tugumi Christ).

42 O o rẹkẹ Jesus dugo bo. Jesus o digitẹ beghamenẹ Ẹrí Simon John yaibei: Cephas ẹkẹ í tinnyo (animi tugumi Peter).

43 Ain dugomọ enemi o Galilee mu nẹ ikiomọ, ntẹ o Philip ẹrẹ: Jesus wẹbẹ ẹkẹ o beghamenẹ, Ì dugo.

44 Wọku Philip Bethsaidabọ Andrew na Peter na amami.

45 Philip Nathanael ẹrẹ, ntẹ wẹbẹ ẹkẹ o beghamenẹ, Wa o rẹrẹtẹ, ori nẹ Moses ologomi

gho, bari ye-ere-bere ongumein na gemo wori bobei, Nazareth Jesus Joseph yaibei.

46 Nte Nathanael webe eke o beghamene, Din ebiye ine Nazareth gho paga bonyo an? Philip webe o beghamene, Bo digi.

47 Jesus Nathanael o dugo bo timitē ere, nte webe eke o flemoghamene, Digi, kesiye, Israelbo, ori ne bio gho legimoye wo nyana ngha bo.

48 Nathanael webe eke o beghamene, Tio gho i i nimi? Jesus meremute webe eke o beghamene, Anitere Philip i tin mi i fig-tinmi tugu gho timi ifemi a i nere worio.

49 Nathanael o meremute beghamene, Rabbi, eri bo Ayeba Yaibei: eri bo Israel amanyana-bobei.

50 Jesus meremute webe eke o beghamene, I fig-tinmi tugu gho timitē a i nere me a webe mi eresini, i meremute an? duba mama nengi aye i werenyo.

51 Nte a webe eke o beghamene, Kesiye, kesiye, a gba eke i preyo, Heavenmi findite o rerenyo, ute Ayeba angel ongumein owe Yaibei gho iwo na ideri na nyo.

CHAPTER II.

1 NTE terai karamo enemi Galilee Cana gho anga bo paga; nte Jesus nyingima ka aniyō gho timi:

2 Nte Jesus na, o tugudugo ongumein na ka ein wo tin angami mu.

3 Nte winmi fa ifemi, Jesus nyingima webe eke o beghamene, Ein win nyana ngha.

4 Nte Jesus webe eke a beghamene, Iyorobo, tei a wo nyana wori i na mienyo? ini ifiemi mani bo gha nimi.

5 O nyingima webe biokoru ongumein beghamene, Tei tei tene o eke o beye beye, o ain mie.

6 Woku Jew ongumein pagayomi mie barami gho, ikputu eke mie worio sondio ebe aniyogho timi, main anigha terai firkin gboriwei gboriwei gho suonyo.

7 Jesus webe eke ein beghamene, O mindi eke ebema beinmo. Nte ein a beinmo bo akami la.

8 Nte o webe eke ein beghamene, O wori dute pura mu olalimi tebebobei pre. Nte ein ain pura mu.

9 Nte olalimi tebebobei win doite mindimi o wo dadigi ifiemi, nte ain boyo nimi ngha (nte mindi du biokoru ongumein nimi worio), olalimi tebebobei angaoweibobei tin,

10 Nte webe eke o beghamene, Keme keme titari koro ifiemi re gho ebi win koromo koromo; nte konongu kpomo bou ifiemi, wekerere seiyemi okuboyo ye: eri ebi winmi re koko wori bo wo lamote.

11 Mi titari koro lelegimoyemi Jesus Galilee Cana ngho wo mie, nte o bomomi eke dia; nte o tugudugo ongumein o gho meremu.

12 Meme boggo barami na, ori na, o nyingima na, ora owei amunongumein na, bari o tugudugo ongumein na, ideri Capernaum mu: nte imi ngha ene ein weke anio gho timi.

13 Nte Jew ongumein sababogomi bo kekia, nte Jesus boggo iwo Jerusalem mu.

14 Nte Ayeba warimi gho ovin na, oana na,

bari kuku na deri ongumein o wẹre, igbogi doi ongumein ka timi nimi :

15 Nte o ido eke ijagba miete, Ayeba warimi ghọ einbise demo pagamo, onanama ka bari ovinma ka ; nte igbogi doi ongumein aigbogima sara, bari einya defuema ka tugurumo koromo ;

16 Nte o webe kuku deri ongumein beghamene, Mama yema mio ghọ wo sogiosin ; i Daubei warimi eke tubo-kon wari mie kuma.

17 O tugudugo ongumein ge worio barami ikiote, beghamene, Iní warimi ofere-biomi i fe famonyo.

18 Animieresini Jew ongumein meremute webe eke o beghamene, Tei lelegimoye í weke wa dia, mama yema í wo mieyo ?

19 Jesus webe eke ein beghamene, Mi warimi sara, nte terai ene ghọ a bari ain sogio tiemonyo.

20 Animieresini Jew ongumein beghamene, Kura mesi sondio akura fendi weke mi Ayeba warimi you bo, nte eri terai ene ghọ ain you tiemonyo an ?

21 Nte o eke emene odumi warimi re fiemo.

22 Animieresini o femi ghọ sou ifiemi, o meme fiebarami o tugudugo ongumein wo ikio ; nte ein Ayeba egberimi meremu, bari Jesus fie abebema ka.

23 Woku sababogomi ghọ o Jerusalem ghọ timi ifiemi, olalimi bioghọ imi ongu o iremi ghọ meremu, o mie lelegimoayema wo ere ongumein.

24 Nte Jesus emene biomi eke ein ghọ tua gha, konongumeinbise o wo nimi worio eresini,

25 Kumọ bari onyatie kumọ pre mbara ka o wo doge gha ; kumọ ghọ emi yemi obodu me wo nimi worio eresini.

CHAPTER III.

1 WOKU Pharisee ongumein ogbomi ghò gbori kumò timi, Nicodemus o ire, Jew ongumein ghò gbori tebebo:

2 Bei kumobeibo noin ghò o dugo bo, nte webe eke o beghamene, Rabbi, eri telimobo ne Ayeba ghò bo bo barami wa wo nimi worio: i miyo ma lelegimo ayema kumò inete wo mie moku fa, Ayeba ebo na timi beresigimo.

3 Jesus meremute webe eke o beghamene, Kesiye, kesiye, a gba eke i preyo, Keme togu bari wage di beresigimo, ebo inete Ayeba amanyana-bokirimi ere moku fa.

4 Nicodemus webe eke o beghamene, Keme togu elemute ifemi, ebo ndendebara ghò bari dinyo? ebo bari main karamo ife eke emene yingì furo ghò suote, dinyo an?

5 Jesus meremute beghamene, Kesiye, kesiye, a gba eke i preyo, Keme togu mindi na, Tememi na ghò di beresigimo, ebo inete Ayeba amanyana-bokirimi la mbara fa.

6 Imeni ghò di bomi imeni; nte bari Tememi ghò di bomi teme.

7 I bari wage dinyo me, a webe gba eke i pre mi eresini, gelegu gelegu kuma.

8 Eferumami fie eke ain bobele yo mu, nte ain fieyo barami i wo na, nte i ine ain dugo boyo na, muyo na gba moku fa: membarambo Tememi ghò di ongumeinbise ka emibara.

9 Nicodemus meremute webe eke o beghamene, Mama yema tobara eke paganyo?

10 Jesus meremute webe eke o beghamene,

Èrì Israel ghò telimòbòbei, nte mama yema nimi ngha an ?

11 Kesiye, kesiye, a gba eke í preyo, Wa nimi worio ye wa wò fie, wa bari ere worio yemi ghò wa onyatie ; nte wa onyami o wò danẹke gha.

12 Segborumi aye a wò gba o prete o meremu ngha ebẹba, tobara ghò heaven ayema o wò meremunyo, a gba o preyo mebẹba.

13 Gboribo gboribo ka heaven iwo gha nimi, nte heaven dugo korobobei bo, owei Yaibei bo, ori ne heaven ghò emibobei.

14 Nte Moses piri mi ogbo ghò obibei sogiomo barambo animbarambo owei Yaibei ka sogionyo bara :

15 Anire tubo tubo tene o ghò meremu bomi befie befie numo nyananyo.

16 Ayeba membara eke segborumi tari eresini, anine o emene kpokpo gbori Yaibei eke wa pre, anire tubo tubo tene o ghò bomi la fa moku fa, nte befie befie numo nyananyo.

17 Ayeba Yaibei feremo segboru bote, segborumi ghò berepele ne bo gha ; nte segborumi o dugo tolu ghò dua mokune.

18 O ghò meremu bomi, berepele seimo gha : meremu gha bomi oruguro berepele seimote, Ayeba kpokpo gbori Yaibei iremi ghò ebo wò meremu gha mi eresini.

19 Nte meme berepeleyemi, tukpami segborumi bote, nte konongu atankoromi bobele tukpami nengi ; einya ferema sei nimi eresini.

20 Sei miyo ongumeinbise tukpami na fiagha, bari tukpami ka dugo bo gha, bofa ora ferema le pagamo mbara ne.

21 Nte kokobaiye miyo bobei, tukpami dugo

bo, anire o Ayeba gho ora ferema monde worio barami eke dia mokune.

22 Mama yema bogo barami na, Jesus na, o tugudugo ongumein na bogo Judæa amami bo : nte o ein na anio gho timite baptizi timi.

23 Nte John ka Salim na kekia nimi Ænon gho baptizi timi, imi mindi anio gho emi eresini : nte ein bo baptizi.

24 Ani ifemi mani John eke ikoliwari gho tua gha nimi.

25 Animieresini John tugudugo ongumein na gbori Jewbo na paga dugomo igbania timi.

26 Nte ein John dugo bote webe o beghamene, Rabbi, Jordan pi anga kirmi gho í na timi bobei, ori ne í onyatie pre timi bobei, digi ori gboribobei-bo baptiziyo, nte konongumeinbise o dugo boyo.

27 John meremute beghamene, Kumoinete ye gen kalie ka daneke moku fa, heaven gho eke ebore pre beresigimo.

28 Èri Christbei gha, nte eri feremo o beleu gho bo bobei webe barami, omene ka in' onya ongu.

29 Angaiyoroboma nyana worio bobei, anga-oweibobei : nte angaoweibobei na monde-wei, ori ne timi o nayo bobei, dubabara eke bibele anga-oweibobei pogomi eresini : mi ini bibelemi animieresini beinte.

30 O pa paga dubanyo, nte eri pa paga erunyo.

31 Ori ne ogo gho korobobei, sogio konongumeinbise nengi : ori ne seborumi gho bo bobei seborumi bo, nte seborumi aye re o bari wo fie : ori ne heaven gho korobobei sogio konongumeinbise nengi.

32 O erete yemi na, o bari nate yemi na gho

o onyatie; nte gboribo gboribo ka or' onyami daneke gha.

33 Ori ne or' onyami daneke bomi, emene onyami eke meme gho tiete Ayeba kokobai barami.

34 Ayeba feremo bo bobei Ayeba bebema wo fie: tonbara gho o Tememi eke pre gha eresini.

35 Daubei Yaibe tari, nte yemabise eke o bara gho tuate.

36 Yaibe gho meremu bomi befie befie numo nyana, nte Yaibe pogi gha bomi numo ere mbara fa, nte Ayeba lolomi ebo gho emi.

CHAPTER IV.

1 JESUS imia tugudugo ongu wo mie bari baptizi John nengi barami, Pharisee ongumein wo nate barami Nyanabobei wo nimi ifemi,

2 (Jesus barana bodu baptizi gha ebeka, nte o tugudugo ongumein re),

3 O Judæa wori bogo bari Galilee mu.

4 Nte o pa Samaria dugo tolu nyo.

5 Animieresini o bo Samaria gbori ama la, Sychar ain ire, Jacob eke o yai Josephbei pre kiri na kekia nimi:

6 Nte Jacob tubomi ka anio gho emi. Jesus o mondemi gho odu loko mi eresini, mu tubomi angami gho kiri gho timi. Ani ifemi sondio karamo auwa biri.

7 Samaria gbori iyoro bo mindi du ne bo: Jesus webe eke a beghamene, Mindi eke i pre bou.

8 Ani ifemi o tugudugo ongumein mu amami gho fai fe ne mu nimi.

9 Samaria iyoroboma animieresini webe o beghamene, Tobarā miēte, èrī Jewbo bo èrī Samaria iyorobo bara gho bou mindi biyo? (Jew ongumein na Samaria ongumein na nyana miemieye fa.)

10 Jesus meremute webe a beghamene, Yo re gho Ayeba diepreyemi í'wo nimi wori mainbe, bari webe í beghamene, Mindi eke ì pre bou e ebe bobei ka í wo nimi wori mainbe; í o bara gho bite, o numo nimi mindi eke í pre ntimi.

11 Iyoroboma webe o beghamene, Nyanabo, í eke duduye ka nyana gha, tubomi ka biokoro nimiyo: tiō gho ani numonimi mindimi í wo nyananyo?

12 Èrī duba eke wa dau Jacobbei ne tubomi eke wa pre, nte obodu ka bou, bari or'owomamein ka bari ora namama ka bou bobei nengiyo an?

13 Jesus meremute webe eke a beghamene, Kumō ne mi mindimi bou bomi, bari elenyo.

14 Nte tubo tubo tene a eke ebo prenyo mindimi bou bomi bari bene bene ele mbara fa: nte a eke ebo prenyo mindimi ebo biogho tubo suonyo, pu paga mu befe befe numo lanyo.

15 Iyoroboma webe o beghamene, Nyanabo, mi mindimi eke ì pre, anire a bari ele gha nyo, anigha a bari bo miō gho du ka du gha nyo.

16 Jesus webe eke a beghamene, Mu, í dei tinte bo.

17 Iyoroboma meremute webe eke o beghamene, A deibo nyana gha. Jesus webe eke a beghamene, A deibo nyana gha, í webeyo me gho í kesiye fie worio:

18 Sōno dei ongu í wo nyana bogomote eresini;

nte ori ne woku gho í nyana worio bobei í dei gha: memẹ gho í kokobaiye fie worio.

19 Iyoroboma webe eke o beghamene, Nyana-bo, eri ye-ere-berebo a wo ton worio.

20 Wa dau-ongu mi tundumi gho kare; nte omene beghamene, Jerusalem re konongu mu kare egbenimi yo o webe.

21 Jesus meremute webe eke a beghamene, Iyorobo, i meremu, ifemi boyo, ife ne omene mi tundumi ka, bari Jerusalem ka kieri gho Daubei kare mbara fa ifemi.

22 Omene, o nimi gha ye o wo kare: wamene, wa nimi worio ye re wa wo kareyo: duaye Jew ongumein gho bo eresini.

23 Nte ifemi boyo, bari mi ifemibo, kesi kare ongumein teme na kokobaiye na gho Daubei karenyo: mi mbara timi kare ongu re Daubei wo doge yo.

24 Ayeba Teme: animieresini o karenyo mongumein teme na kokobaiye na gho pa o kare.

25 Iyoroboma webe eke o beghamene, Messiah boyo barami a wo nimi worio (Christ e webe tin bobei): o bo ba yemabise o wo gba wa prenyo.

26 Jesus webe eke a beghamene, Eri í na fieyo bobei eribo ori.

27 Nte mi baramibo na o tugudugo ongumein bo; nte o iyorobo na fieyo barami gho ein gelegu gelegu; animbo ebeka, I tei dogeyo an? anigha, Tei eresini í a na fieyo an? gboribo gboribo ka webe gha.

28 Animieresini iyoroboma a mindi ebemi gho barasinte bogo amami mu, nte webe eke konongumein beghamene,

29 O bo, gbori kumo digi, ori ne oruguro a
IJQ JOHN. B

miẹtẹ ayemabise gba eke i preyo bobei: Bei Christbei gha an?

30 Ein amami wori paga, o dugo mu.

31 Ani ifemi o tugudugo ongumein o teke, beghamene, Rabbi, ye fe.

32 Nte o webe eke ein beghamene, O bene bene nimi gha fenyofiai a wof nyana worio.

33 Tugudugo ongumein animieresini webe dumo dumo beghamene, Kumofiai okubo o pre fete an?

34 Jesus webe eke ein beghamene, Inifiaimi iferemof bo bobei tonyemi mienyof, bari o feremi mie famonyof.

35 Inein ogonowei kote sogu ifemi lanteyof, o webe gha an? digi, a gba eke of preyo, Ora toruma of wof sogiomof pirima digi, a orugurof biatimi sogu ifemi koruyof.

36 Sogubobei ka okoye nyana, nte beinyai kobri wori befi befi numo pre; anire dibibobei na sogubobei na ogbosumof biobebe mokune.

37 Memef kesi fieyemi, Gboribof dibi, nte dumof bari sogu.

38 O bene bene feremonde gha yof ghof mu sogu mbara a weke of feremote: di ongu feremondete, nte omene mu ein feremi ghof suote.

39 Nte ani amami ghof imi Samaria ongu of ghof meremu iyoroboma egberimi eresini, ara ne onyatiete beghamene, A miẹtẹ ayemabise of wof gba i pre.

40 Animieresini Samaria ongumein of dugo bo ifemi, of ein na timinyof bara ein weke of teke: nte of ma ene eke anio ghof timi.

41 Nte or' egberimi eresini, tongha tongha duabo meremu.

42 Nte ein webe eke iyoroboma beghamene, Wekere wa meremute, i fiyemi eresini gha: wamene ka wa barana bodu gho o nate eresini, nte bari nimi bei kesi segborumi Duabobei barami.

43 Nte ma enema fa barami na, o anio wori paga bogo Galilee mu.

44 Jesus ka barana onyatie worio, ye-ereberebo emene barana amami gho tunsinpreye nyana gha barami.

45 Animieresini o bo Galilee la ifemi, Galilee ongumein o daneke, olalimi gho Jerusalem gho o mie ayemabise ein wo ere: ein ka barana olalimi mu eresini.

46 Animieresini o bari Galilee Cana bo, yo ne o mindimi eke win mie yomi. Gbori alabo timi o yaibei Capernaum gho obi timi.

47 Jesus Judæa gho paga Galilee bote yomi o wo na ifemi, or' o dugo mu, nte o teke, anire o ideri bo o yaibei mie kuromo mbara ne: o fe ne mieyo eresini.

48 Jesus animieresini webe eke o beghamene, Lelegimo aye na, nondo afere na o were beresigimo, o bene bene meremu mbara fa.

49 Alabobei webe eke o beghamene, Nyanabo, ideri bo tere i yaibei fe.

50 Jesus webe eke o beghamene, Sou bogo; i yaibei numonimi. Kumobei Jesus eke o na fie abebema meremu nte o sou sou bogo.

51 Nte o bogo ideriyo barami na, or' omoni ongu bo o na bianta beghamene, I yaibei numonimi.

52 Animieresini o koro kuro ifemi o weke ein bi. Ein webe eke o beghamene, Bebai, sonoma auwa biri gho obogumi o gho kan.

53 Animbarambo daubei nimi anife ne Jesus webe eke o beghamene, I yaibei numonimi ye webe ifemibo: nte obodu ka meremu, bari o bebe warim'bise ka.

54 Meme main karamo lelegimoye ne Jesus mie yemi o Judæa wori paga Galilee bo ifemi.

CHAPTER V.

1 MAMA yema bogo barami na Jew ongumein gbori olali bo paga: nte Jesus iwo Jerusalem mu.

2 Woku Jerusalem gho onanama bugomi gho gbori daba timi, Hebrew bebemi gho Bethesda ein w'eke ain tin, sono ibomo nyana worio.

3 Mama biogho obiyo mongu timi, manga ongu ka, ikula ongu ka, pula ongu ka (timi mindimi jigeyo ifemi).

4 Nyanabobei angel gbori kesi ife ife gho ideri dabami bo, nte mindimi jige: anire tubo tubo tene mindimi jigeyo ifemi gho titari mu korobomi, ebo kontimi obi obi gho, ebo kurote).

5 Nte kura swei nine akura fendi gho odu kuro gha gbori kumo anio gho timi.

6 O sun timite Jesus ere ifemi, nte animbara ngho o timi alate barami o wo nimi ifemi, o webe eke o beghamene, I kuronyo dogeyo an?

7 Obi kumobei o meremute beghamene, Nyanabo, mindimi jige ifemi, a kumo nyana worite i' eke mu dababei gho koromo gha: a boyo barami na, dumo titari mu i gho korote.

8 Jesus webe eke o beghamene, Soutie, ini munuweibei ekete monde.

9 Ntẹ kirina kirina kumobei kuro, emene munuweibi ekete monde. Ntẹ ani enemi odudomo enemi.

10 Animieresini Jew ongumein webe eke kurotobei beghamene, Mi enemi odudomo enemi, animieresini ini munuweibi i wo pura egbegha.

11 Ntẹ o ein meremute beghamene, I mie kuromo bobei bo mene, Ini munuweibi ekete monde, i webe.

12 Ein o bi, Ini munuweibi ekete monde webe i be bobei tubo?

13 Ntẹ kurotobei kumobei nimi gha: keme opu itu bo yomi bein eresini, Jesus yomi wori sou bogote eresini.

14 Obuko la Ayeba warini gho Jesus mu o rere, nte webe eke o beghamene, Digi, woku i kurote: bari seimie kuma, bofa seiteinye bo i pagamonyo.

15 Kumobei sou bogo, nte Jesus re o mie kuromo barami wo gba Jew ongumein pre.

16 Meme eresini Jew ongumein Jesus ogboni odudomo enemi gho o mama yema mie eresini.

17 Ntẹ Jesus ein meremute beghamene, Mi barambo i Daubei feremi monde timi bo wo late, ani ne i ka monde.

18 Meme eresini Jew ongumein o ba ne doge, odudomo enemi o wo seimoyo mi kieri gha, nte o Ayeba eke o barana Dau tua, bari emenebodu eke Ayeba na gbasiabara tonmo eresini.

19 Jesus animieresini meremute webe eke ein beghamene, Kesiye, kesiye, a gba eke o preyo, Daubei mie timite o ere yemi sigimo, Yaibei inetẹ emene barana bodu gho ye gen kalie ka mie

mbara fa : ye tene o miye miye, animbo Yaibe ka miye ye.

20 Daubei Yaibe tari eresini, o miye ayemabise o w'eke o dia : duba mama nengi afere o bari w'eke o dianyo, anire o gelegu gelegunyo.

21 Daubei fe ongumein soumote bari ein numomo barambo, animbarambo Yaibe ka o bobelebo numonyo bara.

22 Anigha ka Daubei kumo gho berepele gha, nte pelenyo ma beremabise o w'eke Yaibe prete ;

23 Anire konongumeinbise tebesin Daubei pre barambo, ein w'eke tebesin Yaibe ka pre mbara ne. Tebesin Yaibe pre gha bomi Dau ne o feremo bo bopei ka tebesin eke wo pre gha.

24 Kesiye, kesiye, a gba eke o preyo, Ori ne ini egberi nate, bari i feremo bo bopei meremu bomi, befi befi numo nyana worio, bari berepeleye bomo gha, nte fe re gho bogo mu numo late.

25 Kesiye, kesiye, a gba eke o preyo, Ifiemi boyo, bari mi ifiemibo, fe ongumein Ayeba Yaibe pogomi nanyo ifiemi ; nte na ongumein numonyo.

26 Daubei emenebodu gho numo nyana worio barambo, animbarambo Yaibe ka emenebodu gho numo nyananyo bara o w'eke o prete :

27 O bari berepelenyō kuromi ka eke o prete, ori owe Yaibe eresini.

28 O meme digi gelegu gelegu kuma : ifiemi boyo, dubuma gho timi ongumeinbise o pogo na,

29 Nte paga bonyo ; ebiyemie ongumein fe gho sou mu numonyo ; bari seiyemie ongumein fe gho sou mu berepeleyo gho tienyo.

30 A ine ìnì barana bodu ghò ye gen kalie ka miè gha : a na barambo, a w'èkè bèrèpèlè : ìnì bèrèpèlèyemi korianimi ; ìnì barana tonye a wò doge gha èrèsini, ntè ì feremò bo bobei tonyemi re.

31 A ìnì barana bodu ghò onyatìe tiè a, ìnì onyami kokobaiye gha.

32 Dumò rẹ ì ghò onyatìe ; ntẹ o ì ghò tiè onyami kokobaiye barami a wò nìmi wòrio.

33 O feremò John dugo mutẹ, ntẹ o onyatìe kokobaiyemi prẹtẹ.

34 Kẹmẹ togu bara dugo bo onya a wò danẹkẹ gha : anibo ebẹka mama yema a wò fieyo, anire o dua mbara nẹ.

35 Ori tukpami nẹ koritẹ saniyo yemi : ntẹ o bountẹ ifie kaliò ẹkẹ o tukpami ghò biobełẹ.

36 Ntẹ a nyana wòrio mi onyami duba John yemi nengi : Daubei ẹkẹ ì prẹ monde famò bẹ aferema nẹ a monde yaimabo ì ghò onyatìe wòrio, Daubei ì feremò bo barami.

37 Ntẹ Dau nẹ ì feremò bo bobei ì ghò onyatietẹ. O bene bene mani o pogomi ka na gha nìmi, mani o timi barami ka erẹ gha nìmi.

38 Ori egberimi ka o ghò fa : o feremò bo bobei o wò meremu gha mi èrèsini.

39 O Ayeba egberima doge, a ghò befie befie numo o wò nyana mẹ o wò tòn èrèsini ; ntẹ mama mabo rẹ ì ghò onyatìe wòrio main ;

40 Ntẹ o ì dugo bo numo nyananyo yomi bougha.

41 A konongu ghò bomò danẹkẹ gha.

42 A o nìmi wòrio Ayeba tarimi o bioghò fa barami.

43 A ì Daubei irẹmi ghò bo, ntẹ o ì danẹkẹ

gha: dumo emene barana iremi gho bo bo a, anibomi re o wo danekenyo.

44 Tobarā miētē dumo dumo bara gho bomo danekeyo mongu o wo meremunyo, nte kpokpo gbori Ayebabei bara dugo paga bo bomomi re o wo doge gha?

45 A o reke gba seimo Daubei prenyo barami o wo ikio kuma: o reke gba seimoyo gboribo emi, Moses ne o ikiomoyemi o w'eke tua worio boboibo.

46 O Moses meremu mainbe, o i meremu timi; o eri re gemo eresini.

47 Nte o geyaima o wo meremu gha ebaba, o tobara eke a fie abebema meremunyo.

CHAPTER VI.

1 MAMA yema bogo barami na, Jesus saba Galilee torumi mu, ani Tiberias torumi.

2 Nte keme opu itu o dugo, o eke obi ongumein gho mie lelegimo ayema ein w'ere eresini.

3 Nte Jesus monde tundumi iwo, nte o anio gho emene tugudugo ongumein na timi.

4 Woku sababogo, Jew ongumein olalimi bo kekiate.

5 Jesus emene atoruma sogiomote keme opu itu o dugo boyo bara ere ifemi, o webe eke Philip beghamene, Wa tio gho fitoru ere fete meinmein fenyo.

6 Meme o wo fie eke o dadigiyo: o barana bodu gho o mienyo ye o wo nimi worio eresini.

7 Philip o meremute beghamene, Penni oyi

esi lanyo ma fitoru boka ein furo bein mbara fa, einbise ebọ kalio kalio eke mebeka.

8 O tugudugo ongumein gho gboribo, Andrew Simon Peter munabobei, webe o beghamene,

9 Gbori owei togu mio gho emi, fitoru asono ikpoun na, ma indi na o wo nyana worio: nte mamama mibara imi nimi ongumein gho tio lanyo,

10 Jesus beghamene, O konongumein mie kiri gho timimo. Woku yomi gho imi osunga emi. Animieresini konongumein kiri gho timi, kienbebe gho oyi ma onde fendi na oyi esi na.

11 Jesus animieresini fitoru aikpounma eke; nte o noa kule ifemi, o a reke kiri gho timi nimi ongumein diemo; anibarambo ma indima ka ein la mbara la mbara gho.

12 Faroma ein gho bein ifemi, o webe eke o tugudugo ongumein beghamene, Sinkoro nimi proproyaima o wo tan, anire ye fa gha nyo.

13 Animieresini fitoru asono ikpounma gho konongumein fete ko sinkoro proproyaima ein wo tan oyi ma kana fendi beinmo.

14 Animieresini konongumein o mie lelegimo-yemi ere ifemi, ein beghamene, Kesibarabo bei ye-ere-berebo ne seborumi bonyo bopei.

15 Jesus ein bo ponomobara gho o reke amanyanabo mie ne dogeyo bara o wo nimi ifemi, o kieri tebe bogo bari tundumi mu.

16 Nte enemi bo borobu ifemi, o tugudugo ongumein bogo torumi mu;

17 Ein gbori aro gho bogolo, torumi saba Capernaum mu ne mie timi. Ain bo atankorote, nte Jesus mani ein dugo bo gha nimi.

18 Fie opu eferumami eresini torumi jigeyo.

19 Animieresini si sono furlong fendi anigha swei ein wo dogu sigimo barami na, Jesus torumi ghō monde bo aro na kekia timite ein ere: nte ein esin.

20 Nte o webe eke ein beghamene, Eri, o resin kuma.

21 Animieresini ein bouto o da aromi ghō bogolo: nte kirina kirina aromi mu eke ein muyo yomi la.

22 Ain dugomo enemi keme itu ne torumi pi anga kiri ghō timi ongumein din aro anio ghō fa timi barami ere, gboriye sigimo, nte Jesus mu o tugudugo ongumein na bogolo gha barimi ka, nte o tugudugo ongumein kieri re mu bogolo.

23 (Anibo ebeka dua aro Tiberias ghō bo yo ne Nyanabobei noa kulete ein fitorumi fe yomi la):

24 Keme itumi Jesus na o tugudugo ongumein na anio ghō fa barami ere ifemi, ein ka mu aroma ghō bogolo Capernaum bo, Jesus dogeyo.

25 Torumi pianga kirmi ghō ein bo o rere ifemi, ein webe o beghamene, Rabbi, tofie ghō i mio bo?

26 Jesus meremute beghamene, Kesiye, kesiye, a gba eke o preyo, Lelegimo aye o w'ere mi eresini o i doge gha nte fitoruma o wo fe furo beinmo mi eresini.

27 Fanyo fiaimi eresini o feremonde kuma, manikaragha timi befe befe numo lanyo fiaimi re ghō monde, animi owei Yaibei eke o prenyo yemi ebobo Ayeba Daubei wo tokimo worio eresini.

28 Animieresini ein webe eke o beghamene, Wa tei mieta Ayeba ferema wa wo mondenyo?

29 Jesus meremute webe eke ein beghamene, Meme Ayeba feremi animi o feremo bo bobei o wo meremu.

30 Animieresini ein webe eke o beghamene, Tei lelegimoye í wo miete wa erete, í meremu-nyo? Tei fere í wo mondete?

31 Wa dau ongu piri ogbomi ghò manna fe; ge worio barambo, O heaven ghò fitoru eke ein pre.

32 Jesus animieresini webe eke ein beghamene, Kesiye, kesiye, a gba eke o preyo, Moses heaven ghò fitoru eke o pre gha; nte ì Daubei re kesi fitorumi heaven ghò w'eke o pre.

33 Ayeba fitorumi, anine heaven ghò korobo, nte numo eke segborumi pre yemi.

34 Animieresini ein webe eke o beghamene, Nyanabo, ifiemabise ghò mi fitorumi eke wa pre.

35 Jesus webe eke ein beghamene, Eribo numo fitorumi: ori ne ì dugo bo bomi, omoun kori mbara fa, nte ori ne ì ghò meremu bomi bari ele mbara fa.

36 Nte a webe eke o beyo, O ì nerete, anibo ebeka o meremu gha.

37 Daubei eke ì pre worio ma yemabise ì dugo bonyo: nte ori ne ì dugo bo bomi, a ebò demò mbara fa.

38 A heaven ghò korobo ìni barana tonye mie ne bo gha, nte ì feremo bo bobei tonyemi re.

39 Nte meme ì feremo bo bobei tonyemi, o eke ì pre worio yaima ghò a gboriye ka famò gha nyo bara, nte kunemo enemi ghò a soumonyò.

40 Meme ì Daubei tonyemi, Yaibei erete o ghò meremu ongumeinbise befie befie numo nyananyò barami; nte a bari kunemo enemi ghò ebò soumonyò.

41 Animi^{er}esini Jew ongumein o digi gbon-
goro, Èrì heaven ghò korobo fitoru e o webe mi
eresini.

42 Nte ein beghamene, Bei Jesusbei gha an?
Joseph yaibei, ori ne wa dau na wa nyingi na nimi
worio bobei? tei eresini woku, Èrì heaven ghò
korobo me, o bari webeyo?

43 Jesus meremute webe eke ein beghamene,
O rogbo ghò o gbongoro kuma.

44 Kumò ine ì dugo bo gha, Dau ne ì feremo
bo bobei ebò nunu beresigimò : nte kunemo enemi
ghò a ebò soumonyo.

45 Ye-ere-berè ongumein ghò geworio, Einbise
Ayeba ghò dawoinyo. Tubo tubo tene Daubei
ghò nate bari dawoi bomi, ì dugomò bo.

46 Kumò Daubei erete bara gha, Ayeba ghò
bo bobei sigimò, ori re Daubei erete.

47 Kesiye, kesiye, a webe eke o beyo, Mere-
mubomi befie befie numo nyana worio.

48 Èrì numo fitorumi.

49 O dau ongumein piri ogbomi ghò mannami
fe, nte ein fete.

50 Meme heaven ghò korobo fitorumi, anine
kumò fete fe mbara fa yemi.

51 Èrì numonimi fitoru ne heaven ghò korobo
yemi : kumò mi fitorumi fe fe a, ebò numo timi
befie befie lanyo : inye, fitoru ne a eke prenyo
yemi ìnì imenimi, ani segborumi numomi ere-
sini.

52 Jew ongumein animieresini ein ogbo ghò
igbaniate beghamene, Tobarà miete bei kumobei
emene imenimi eke wa pre fenyò?

53 Jesus animieresini webe eke ein beghamene,
Kesiye, kesiye, a gba eke o preyo, Owei Yaibei

imenimi o wo fe, bari or' oduaima bou beresigimo, obodu gho o numo nyana gha.

54 Ori ne in' imenimi fe, bari in' oduaima bou bomi befie befie numo nyana worio; nte a bari kunemo enemi gho ebo soumony.

55 In' imenimi kesi fai, nte in' oduaima bari kesi bouye eresini.

56 Ori ne in' imenimi fe, bari in' oduaima bou bomi, i gho emi, i ka bari ebo gho emi.

57 Numonimi Daubei i feremo nte Daubei re gho a numo nimi barambo; animbarambo ori ne i fe bomi eri re gho ebo ka numony.

58 Meme heaven gho korobo fitorumi: dau ongumein fete, fe barami gha: ori ne mi fitorumi fe bomi, numo timi befie befie lany.

59 Mama yema Jew ongu kare warimi gho o wo fe, o Capernaum gho timi telimo timi ifemi.

60 Animieresini o tugudugo ongumein gho imi ongu meme na ifemi, beghamene, Meme kuro fieye; tubo ine ain nanyo?

61 Nte o tugudugo ongumein meme digi gbongoro barami Jesus emenebodu gho wo nimi ifemi, o webe eke ein beghamene, Meme o mie begemojo an?

62 Ani ebeba tei o wo mienyo, owei Yaibei iwo titari ifie gho yomi mute, o rere ere an?

63 Tememi re numomojo yemi; imenimi suoye mie gha: bebe ne a eke o na fiete yaima teme na numo na.

64 Nte o gho meremu gha duabo emi. Jesus titari ifemi re gho meremu gha ongumein nimi worio, bari o derinyo bomi ka.

65 Nte o beghamene, Meme eresini a webe eke

o bete, Kumò ine ì dugomò bo mbara fa, Daubei ain eke ebo pre beresigimò.

66 Meme eresini o tugudugo ongumein ghò imi ongu wage obu tua, nte bari o na monde gha.

67 Jesus animieresini webe eke oyi ma keme fendi mein beghamene, Omene ka sou bogonyo an?

68 Simon Peter o meremute beghamene, Nyanabo, tubo wa wo dugo munyo? Eri befi befi numo egberima nyana worio.

69 Nte wa meremute, eribo Ayeba ebibobei barami wa wo nimi worio.

70 Jesus ein meremute beghamene, Eri omene oyi ma keme fendi mein seleneke gha an? nte o rogbo ghò gboribo devil.

71 O eke Judas Simon Iscariot yaibei fiemoyo, ori o derinyo bobei eresini, oyi ma keme fendi mein ghò gboribo.

CHAPTER VII.

1 MAMA yema bogò barami na. Jesus Galilee ghò monde : Judæa ghò monde yomi o wo doge gha, Jew ongumein o ba ne dogeyo eresini.

2 Woku Jew ongumein olalimi, asele olalimi, bo kekiate.

3 Ora muna ongumein animieresini webe eke o beghamene, Mio wori sou bogò, Judæa mu anire ina tugudugo ongumein ka ina aferema erenyo.

4 Kumò sogoi yo ghò ye mie gha mie gha. ebobodu ka barainmò nimi ne dogeyo eresini. I mama yema mieyo mebeba, inibodu eke segborumi dia.

5 O muna ongumein boka o meremu gha eresini.

6 Jesus animieresini webe eke ein beghamene, Inì ifemi mani bo gha nimi: nte o ifemi ifemabise gho odu tolo mo worio.

7 Segborumi inete fiagha eke o tin mbara fa; nte eri ebeba ain i na fiagha, ainya aferema sei nimi e a webe ain gho onyatie eresini.

8 O iwo olalimi mu: a woku gho iwo olalimi mu mbara fa; inì ifemi mani bein gha nimi eresini.

9 Nte o mama yema eke ein na fiete sou barami na, o pa Galilee gho timi.

10 Nte ora muna ongumein bogo iwo olalimi mu ifemi, wekere o ka iwo mu, barainbara gha, nte sogoibara gho.

11 Jew ongumein animieresini olalimi gho o dogete, beghamene, O ti o gho emi?

12 Nte o tebe dugomo keme ituma ogbo gho gbongoro kpomo bo paga; duabo beghamene, O ebi kumo; duabo bari beghamene, Animbara gha, nte o keme itumi re kore mu irimoyo.

13 Animbo ebeka gboribo ka barainmo eke o fiemo gha ein Jew ongumein esin ifemi.

14 Nte olalimi bo ogbo la ifemi Jesus bogo Ayeba warimi mu nte telimo.

15 Jew ongumein animieresini gelegu gelegute, beghamene, Tobara miete bei kumobei bene bene dawoi ka dawoighamo diri nimiyo?

16 Jesus animieresini ein meremute beghamene, Inì telimoyemi inìye gha, nte i feremo bo bobei re ye.

17 Kumo o tonye mie ne doge doge a, ebo telimoyemi niminyo, wola ain Ayeba gho bo bai, anigha wola a inì barana bodu gho fieyo bai.

18 Ori ne emene barana bodu gho fie bomi,

emene barana bomo dogeyo: nte o feremo bo bobei bomomi dogeyo bomi, anibomibo kokobai-bobei, nte koriaghamieye bise ebo gho fa.

19 Moses ologomi eke o pre gha an? nte animbo ebeka o gho gboribo ka ologomi koko gha. Tei ne o i ba ne dogeyo?

20 Keme itumi meremute beghamene, I devil nyana worio: tubo i ba ne dogeyo?

21 Jesus meremute webe eke ein beghamene, A gbori feremonde, nte obise gelegu gelegu.

22 Meme eresini Moses torugoyesinmi eke o pre (ain Moses bara gho bo bara gha, nte dau ongumein bara re gho bo); nte odudomo enemi gho o kumo gho torugoyesin.

23 Odudomo enemi gho kumo torugoyesinmi Moses ologomi seimo gha ebaba; odudomo enemi gho a kumo mie gboribo kuromo mi eresini o i digi loloyo an?

24 Timibara o wo digi berepele kuma, nte koria berepeleye re o wo pele.

25 Animieresini Jerusalem ongumein gho duabo beghamene, Bei ein ba ne doge timi bobei gha an?

26 Digi, o barainmo fieyo, nte ein ye gen kalie ka eke o na fiegha. Bei Christbei barami tebe ongumein ka kesimo wo nimate bai fa?

27 Animbo ebeka bei kumobei dugo bo yomi wa wo nimi worio: nte Christbei bonyo ifiemi, o dugo bo yo kumo wo nimi mbara fa.

28 Jesus animieresini Ayeba warimi gho ilogute telimo beghamene, O i nimi worio, a dugo bo yomi ka o bari wo nimi worio; nte a ini barana bodu gho bo gha, nte i feremo bo bobei kokobai nimi, ori ne o nimi gha bobei.

29 A o nimi w_orio ; a o gh_o bo, ori i ferem_o bo e_resini.

30 Animier_esini ein o re_ke ne doge ; nte gb_o-ribo ka bara e_ke o gbolo gha ; o ifiemi mani wo la gha e_resini.

31 Nte k_em_e itumi gh_o imi ongu o gh_o mere-mu ; nte ein beghamene, Christbei bonyo ifiemi, o lelegimoye mie e_ke bei kumobei mi_ete yaima nenginyo an ?

32 Ori tebe dugom_o k_em_e itumi mama yema e_ke gbongoroyo barami Pharisee ongumein wo na ; nte tebe egbegua ongumein na, Pharisee ongumein na, ferem_onde ongumein ferem_o mu o re_ke ne mu.

33 Jesus animier_esini beghamene, Ifie gen kalie bo a w'e_ke o na timinyo, nte a bog_o i ferem_o bo bobei dugo munyo.

34 O i dogenyo nte i nere mbara fa : nte a mu timinyo yomi ka o ine bo mbara fa.

35 Jew ongumein animier_esini webe e_ke ein ogbo gh_o beghamene, Bei kumobei tio mute wa o rereghanyo ? Greek ongumein gh_o Jalage ongumein o wo dugo mute, Greek ongumein telimonyo an ?

36 O i dogete i nere mbara fa e, nte a emi yomi ka o bari ine bo mbara fa ebe bebemi ? mi tei bebe ne o fiyo ye ?

37 Woku tuguko enemi, olalimi opu enemi, Jesus soutie ilogute, beghamene, Mindi elemoyo bo bo i dugo bo bou.

38 Ori ne Ayeba egberimi be barami gh_o i meremu bomi, eb_o furo biomi gh_o numo toru mindi bo paganyo.

39 Nte mem_e o e_ke, Ebi Tem_e ne o gh_o
IJQ JOHN. c

meremu ongumein danekenyo yemi fiemo: Ebi Tememi mani weke pre gha nimi eresini; bomo mani weke Jesus birimo gha nimi eresini.

40 Keme itumi gho duabo mama bebema ein wo na ifemi, beghamene, Kesibarabo bei ye-ereberobei.

41 Duabo bari beghamene, Bei Christbei. Nte duabo beghamene, Tei, Christbei Galilee gho paga bonyo an?

42 Christbei David mgbo dugo bonyo mi egberimi webe gha an? bari Bethlehem gho, David timi kala amami an?

43 Animieresini o tebe dugomo keme itumi gho igbania bo paga.

44 Ein gho duabo o reke ne mie; nte gboribo gboribo ka bara eke o gbolo gha.

45 Animieresini feremonde ongumein tebe egbegua ongumein na, Pharisee ongumein na dugo bo; nte ein webe eke ein beghamene, Tei eresini o o rokubo gha?

46 Feremonde ongumein meremute beghamene, Kumomani mibara fie gha nimi.

47 Animieresini Pharisee ongumein ein meremute beghamene, O ka mu irite an?

48 Tebe ongumein gho dumo o gho meremute an? anigha Pharisee ongumein gho?

49 Nte mi keme itu ne ologo nimi gha ongumein wori ein late.

50 Nicodemus webe eke ein beghamene (ori ne gbori ife gho o dugo bote bopei, ein gho gboribo),

51 Wa ologomi gbori kumo mie yemi nimi, bari na gha timiya berepele gha ye?

52 Ein meremute webe eke o beghameme, Eri

ka Galileebo an? Dọge, nte Galilee gho gbori yeere-berebo berebo ka paga gha barami nimi.

53 [Nte keme keme bogo emene wari mu :

CHAPTER VIII.

1 NTE Jesus bogo Olive tundumi mu.

2 Nte badele puko puko gho o bari Ayeba warimi bo, nte konongumeinbise o dugo bo; nte o kirimi gho timi ein telimo.

3 Nte diri ge ongumein na, Pharisee ongumein na gbori saife iyoroibo okubo; ein a reke ogbo kubumi gho tiemote,

4 Webe eke o beghamene, Telimobo, ma iyoroiboma saife timi, wa a korete.

5 Woku Moses ologomi gho mibara timibo gben ba e webe wa be worio: eri a gho teiye webete?

6 Meme ein wo fie eke o dadigiyo, anire eke o gbanmony ye ein wo nyana mbara ne. Nte Jesus toun emene bara sungbalimi eke kirimi gho ge timi.

7 Nte ein tiemo ghamo pa o bi timi mi eresini, o emenebodu sogiomote webe eke ein beghamene, O gho sei nyana gha bo timi timi a, barasinte ebo titari ikputu sogio eke a gben.

8 Nte o bari toun, emene bara sungbalimi eke kirimi gho ge.

9 Nte eni, ein ain na ifemi, gboribo gboribo sou bogo paga, okosi ongu gho sou mu kunemo bobei la: nte Jesus kieri kiriko, nte iyoroiboma ogbo kubumi gho.

10 Nte Jesus emenebodu sogiomote webe eke

a beghamene, Iyoroḅo, ein tiḅ emi? kumo ye eke í gbamo gha an?

11 A beghamene, Gboribo ka fa, Nyanabo. Nte Jesus beghamene, I ka ye eke í gbamo mbara fa: sou bogo; woku gho sou mu mi bari seimie kuma.]

12 Animieresini Jesus webe eke ein na fieta beghamene, Eri seborumi tukpami: i dugo bomi, inete atankoro gho monde mbara fa, nte numo tukpami re nyananyo.

13 Pharisee ongumein animieresini webe eke o beghamene, I onyatie inibodu pre: ini onyami kokobaiye gha.

14 Jesus meremute webe eke ein beghamene, A onyatie inibodu pre mebeka, ini onyami kokobai nimi; a dugo bo yo na, a bari munyo yo na a wo nimi worio eresini; nte omene a dugo bo yo na, a bari munyo yo na nimi gha.

15 Omene imenimi bara gho berepele: eri gboribo gboribo ka gho berepele gha.

16 Inye, nte a bere re pele mebeka, ini berepeleyemi kokobaiye; a kieri fa eresini, nte eri na i feremo bo Daubei na.

17 Inye, nte ora ologomi ka gho ge worio, ma keme onyami kokobaiye barami.

18 Eri ori ne onyatie emene barana bodu pre bobei, nte Dau ne i feremo bo bobei ka i gho onyatie worio.

19 Animieresini ein webe eke o beghamene, I Daubei tiḅ gho emi? Jesus ein meremute beghamene, O i nimi barambo, o i Daubei ka nimi gha bara: yo re gho o i nimi wori mainbe, o i Daubei ka nimi timi.

20 Mama bebema otuo warimi gho o wo fie, o Ayeba warimi gho timi telimo timi ifiemi: nte gboribo gboribo ka o kore gha; mani o ifiemi la gha nimi eresini.

21 Animieresini o bari webe eke ein beghamene, A sou bogonyo, nte o i dogenyo, nte ora seima gho o timi fenyo: a muyo yomi o ine wo bo mbara fa.

22 Animieresini Jew ongumein beghamene, O emenebodu banyo an? anine o beghamene, A muyo yomi o ine bo mbara fa.

23 Nte o webe eke ein beghamene, Omene kiribio dugo bo; eri ogo no korobo: omene mi segborumi ongu; eri mi segborumi bo gha.

24 Animieresini a webe eke o bete, Ora seima gho o timi fenyo: eri ori barami o wo meremu beresigimo, ora seima gho o timi fenyo.

25 Animieresini ein webe eke o beghamene, Eri tubo? Jesus webe eke ein beghamene, Anine titari ifiemi gho a eke o na fiete yemibo.

26 Tongha tongha aye a wo nyana wori fienyo, bari o gho berepelenyo: animbo ebeka i feremo bo bobei kesinimi: nte a o gho na ayema re a w'eke segborumi na fie.

27 O Daubei ye gba eke ein preyo barami, ein wo nimi gha.

28 Jesus animieresini beghamene, Owei Yaibei o wo sogiomonyo ifiemi la la, anire eri ori barami o wo niminyo, inì barana bodu gho ye gen kalie ka a wo miegha, nte Daubei i telimo barambo gho, a mama yema fieyo.

29 I feremo bo bobei i na emi; o i gho barasin kieri wori gha: o bobele ayema ifiemabise gho a wo mie eresini.

30 Mama yema o wo fie ifiemi, imi ongu o gho meremu.

31 Jesus animieresini webe eke o meremute Jew ongumein beghamene, O ini egberimi gho timi timi re, omene ina kesi tugudugo ongu suote;

32 Nte o kokobaiyemi niminyo, nte kokobaiyemi o mie baratebenyanamonyo.

33 Ein o meremute beghamene, Wamene Abraham mgbomi, wa bene bene mani omoni suo gboribo gboribo ka pre gha nimiyo: tobara miere, O baratebenyananyo mi, i webeyo?

34 Jesus ein meremute beghamene, Kesiye, kesiye, a gba eke o preyo, Seimieyo mongumeinbise sei omoni ongu.

35 Omonibobei warimi gho timi befie befie la mbara fa; Yaibei re timi befie befie lanyo.

36 Animieresini Yaibei o mie baratebenyanamonyo mebeba, o kesimo baratebenyananyo.

37 Omene Abraham mgbomi barami a wo nimi worio; animbo ebeba o i ba ne dogeyo, iui egberimi o gho timinyo nyana gha eresini.

38 A i Daubei na ere ayema a wo fie; nte omene ka o dau gho o na aye o wo mie.

39 Ein meremute webe eke o beghamene, Wa daubomi Abraham. Jesus webe eke ein beghamene, Omene Abraham owoma mainbe, Abraham aferema o wo monde timi.

40 Nte woku o i ba ne dogeyo, kumo ne Ayeba gho a na kokobaiyemi wo gba o preyo bobei: Abraham memere mie gha.

41 O dau aferema o wo mondeyo. Ein webe eke o beghamene, Wamene saife gho di ongu gha; gbori Daubobo wa wo nyana worio, anibomi Ayeba.

42 Jesus webe eke ein beghamene, Ayeba o Dau mainbe o i tari timi: a Ayeba dugo paga bo eresini: inì barana bodu gho a bo gha, nte ori re i feremo eresini.

43 Tei eresini inì fiebebemi gho o tugunimi gha? o inì egberi na bou gha eresini.

44 Omene o dau devilbei ongu, nte o daubei imeni doge ayema o wo mie ne ikiomo. Titari koro ifemi gho o kumobabo, kokobaiyemi gho timi gha, o gho kokobaiye fa eresini. O osobu gba ifemi, obodu ye o wo fie: ori osobubo, bari ain daubo eresini.

45 Nte kokobaiyemi a wo fie mi eresini, o i meremu gha.

46 O gho tubo i mie sei eke le pagamo. A kokobaiyemi fie mebeba, tei eresini o i meremu gha?

47 Ayeba gho emibomi Ayeba egberi nayo: meme eresini o a naghayo, o Ayeba gho fa eresini.

48 Jew ongumein meremute webe eke o beghamene, Eri Samariabo bari devil ka nyana worio, wa fie koriamo gha an?

49 Jesus meremute beghamene, A devil nyana gha; nte a tebesin eke i Dau pre, omene i gho inì tebesinpremi sogiosin.

50 A inì barana bomo doge gha: gbori doge-yobo na berepeleyobo na emi.

51 Kesiye, kesiye, a gba eke o preyo, Kumo inà fiyaima koko koko a, ebo bene bene fe ereghanyo.

52 Jew ongumein webe eke o beghamene, Wekere i devil nyana worio barami wa wo nimito. Abraham fete bari ye-ere-bere ongumein ka; nte

èrì beghamene, Kumo inà fiyaima koko koko a, ebo bene bene fe moku fa e, i webeyo.

53 Èrì duba eke wa dau Abraham ne fete bobei nengi an? nte fete ye-ere-bere ongumein ka: iní bodu í w'eke tubo mieyo?

54 Jesus meremute beghamene, A bomo eke iní barana bodu birimo birimo a, iní bomomi papaye: i Daubei re bomo eke i birimo; ori ne o beghamene ora Ayeba e o webeyo bobei;

55 Nte o mani o nimi gha: nte èrì o nimi worio: nte, A o nimi gha, a webe webe a, i ka o rembemo osobubo suonyo: nte a o nimi worio, bari o fiebebemi ka kokoyo.

56 O dau Abrahambei iní enemi erenyo yomi ghò biobebe: nte o ain erete biobebe.

57 Animieresini Jew ongumein webe eke o beghamene, Í mani kura mesi oyi fendi ka baghate, í Abraham erete an?

58 Jesus webe eke ein beghamene, Kesiye, kesiye, a gba eke o preyo, Anitere Abraham pagami, Èrì emi.

59 Animieresini ein ikputu eke o gben ne mie: nte Jesus emenebodu sogoi, nte Ayeba warimi ghò paga mu.

CHAPTER IX.

1 N'ŦE o monde bogoyo barami na, dimi ghò manga nimi gbori kumo o w'ere.

2 O tugudugo ongumein o bite beghamene, Rabbi, tubo seimie, bei kumobei mono o di ongumein, o manga timi bo di barami?

3 Jesus merumute beghamene, Bei kumobei

seimięgha, anigha, o di ongu ka, o di ongu gha : nte anire Ayeba ferema o ghō wō mię barainmō mōkune.

4 Ì feremō bo bōbei aferema wa wō monde, enemi emi ifiemi ghō : noinmi boyo, kumō bari feremōnde mbara fa ifiemi.

5 A segbōrumi ghō emi ifiemi, éri segbōru tukpami.

6 O mibara fie barami na, o fula eke kiri nyungumō, nte o fulami eke otuma kobu, nte otumami eke ora toruma bolotē.

7 Webe eke o beghamene, Mu Siloam (animi tugumi Feremō) dababei ghō sogere. Animi-eresini o bogō mu sogere nte ye eremō bo.

8 Animi-eresini o na gboripolo ongumein na bari titari ifie ghō engibō bara eke o rere ongumein na beghamene, Bei timi, engi timi bōbei gha an ?

9 Duabo beghamene, Ori : duabo bari beghamene, Ongha, nte o ori rembe. Ori beghamene, Éribo ori.

10 Animi-eresini ein webe eke o beghamene, Ani ebeba, tobara re ghō inà toruma findi ?

11 O meremute beghamene, Jesus e ein webe tin bōbei, otuma mięte eke inà toruma bolo, nte webe eke i beghamene, Siloam mu sogere : animi-eresini a sou bogō mu sogere nte a ye ere.

12 Nte ein webe eke o beghamene, O tiō ghō emi ? O beghamene, A nimigha.

13 Titari ifie ghō manga timi bōbei ein w'eke Pharisee ongumein dugo bo.

14 Nte ain odudomō enemi Jesus otuma mięte eke o ghō toruma findi enemi.

15 Animi-eresini Pharisee ongumein o mięte

ye eṛe barami bari w'ẹkẹ o bi. Nte o webe eke ein beghamene, O otuma eke inà toruma bolo, nte a mu sogerete a ye eṛe.

16 Animieresini Pharisee ongumein duabo beghamene, Bei kumobei Ayeba ghọ bo gha, odudomọ enemi o wọ koko gha mi eresini. Nte duabo beghamene, Tobarā miete seimie kumọ ine mama lelegimọ ayema mienyo? Nte ein ogbo ghọ igbaniayo bo paga.

17 Animieresini ein bari webe eke mangabobei beghamene, Í tieye webe eke o fiemote iná toruma o wo findiyomi ghọ? Nte o beghamene, Ori yeere-berebo.

18 Jew ongumein animieresini o manga timite bari ye erete barami meremu gha, ye erete bobei di ongumein ein wọ tin bo tere,

19 Nte ein ein bite, beghamene, Bei o-yai ne manga timi di me o webe bobei gha an? Tobarā miete woku o bari ye erete?

20 O di ongumein meremute beghamene, Bei wa yaibe barami wa wọ nimi worio, nte o bari manga timi di barami ka:

21 Nte miete o bari woku ghọ ye eṛe barami wa wọ nimi gha: anigha o ghọ toruma findi bomi ka wa wọ nimi gha: o o bi, o ka tebelate; o barana fie emene bodu prenyo.

22 Mama yema o di ongumein wọ fie, ein Jew ongumein esin eresini: Jew ongumein oruguro nanya worio, kumọ mene ori Christbei ye webe eke paga paga a, ein Jew ongu kare warimi ghọ ebọ demọ pagamonyo barami.

23 Animieresini, O tebelate, o ro bi ye, o di ongumein webe.

24 Animieresini main karamọ ifie ghọ manga

timibobei ein bari wò tin, nte wẹbe eke o beghamene, Bomo eke Ayeba pre; bei kumobei seimiebo barami wa wò nimi worio.

25 Animieresini o meremute beghamene, O seimiebo ebeka a nimi gha: gboriye ne a nimi worio ye, gbori ifie a manga timi, woku a ye erete.

26 Animieresini ein wẹbe eke o beghamene, O tei mie eke í pre? o tobara eke iná toruma findi?

27 O ein meremute beghamene, Woku mbo ka a gba eke o preyo, nte o na bou gha: tei eresini o bari ain na ne dogeyo? omene ka o tugudugo ongumein suonyo an?

28 Nte ein o golite beghamene, Èrí o tugudugobo; nte wamene, Moses tugudugo ongu.

29 Ayeba Moses na fie barami wa wò nimi worio: nte bei kumobei ebeka, o dugo boyo wa wò nimi gha.

30 Kumobei meremute wẹbe eke ein beghamene, Tei geleguye mio gho emi, o boyo o wò nimi gha, animbo ebeka inà toruma o wò findite.

31 Ayeba seimie ongu na gha barami wa wò nimi worio: nte kumo Ayeba karebo suote, nte o tonyemi mie mie a, anibomi o wò nanyo.

32 Segborumi paga mbise gho kumo manga di kumo atoru findite ye ebe yome mani wò na gha nimi.

33 Bei kumobei Ayeba gho bo gha mainbe, o ine ye gen kalie ka mie mbara fa.

34 Ein meremute wẹbe eke o beghamene, Èrí gboribo sei gho di worio bo, nte èrí wa telimonyo an? nte ein o demo pagamo.

35 Ein o demo pagamote barami Jesus wò na; nte o o rere ifemi, o wẹbe eke o beghamene, Ayeba Yaibei gho i wò meremu an?

36 O meremute beghamene, Nte ori tubo, Nyanabo, anire a o gho meremunyo?

37 Jesus webe eke o beghamene, I o rerete, nte oribo bari i na fieyo.

38 Nte o beghamene, Nyanabo, a meremute. Nte o o kare.

39 Nte Jesus beghamene, Berapeleye eresini a mi segborumi bo, anire eregha ongumein ere mokune; bari ere ongumein manga mokune.

40 Pharisee ongu ne o na timi ongumein, mama yema na, nte webe eke o beghamene, Wa ka mangate an?

41 Jesus webe eke ein beghamene, O manga timi mainbe, o sei nyana gha ntimi: nte woku o beghamene, Wa ye ere worio: ora seima emi.

CHAPTER X.

1 KESIYE, kesiye, a gba eke o preyo, Ori ne bugomi dugo suo onanama warimi boghamo, di anga eteli dugo tande suo bomi, furubo na toru kuro furubo na.

2 Nte ori ne bugomi dugo suo bomi onanama kokobo.

3 Bugo digibobei findi eke ori re preyo; nte onanama o pogo na: o ire ire eke o barana onanama tin worio, o a kore mondemo pagamo.

4 O barana onanamabise o wo pagamo ifemi, o a beleu da, nte onanama o dugo: ein o pogo nimi worio eresini.

5 Igonibo ein wo dugo mbara fa, manikaragha ein o mange re o mangenyo; igoni ongu pogo ein wo nimi gha eresini.

6 Mi kabomi Jesus wò kòn eke ein pre; nte ye ne o eke ein na fieyo yaima ein tugunimigha.

7 Jesus animieresini bari webe eke ein beghamene, Kesiye, kesiye, a gba eke o preyo, Eri onanama bugomi.

8 I ghò titari bo timi ongumeinbise furu ongu na, toru kuro furu ongu na : nte onanama ein na gha.

9 Eri bugomi: kumo i dugo tolu suo suo a, ebo bogonyo, ebo suo na, paga na nyo, nte fai erenyo.

10 Furubobei papa bo gha, nte furu na, ba na, seimo na mbara eresini o bo : nte ein numo nyana mbara ne a bo, bari imimo ain nyana mbara ne.

11 Eri ebi onanakokobei: ebi onanakokobei emene numomi koromo eke onanama pre.

12 Ori okoworiobo nte onanakokobo gha, onanama ka ebo yai gha, wolfbei bo timite o ere ere a, ebo onanama sekete mange, nte wolfbei bo a gbemote a jalageyo :

13 Miete ne o mange mi ori okoworiobo eresini, nte onanama eke yetingha.

14 Eri ebi onanakokobei; a inainma nimi worio, nte inainma ka bari i nimi worio,

15 Daubei i nimate, eri ka bari Daubei nimi barambo; nte a ini numomi koromo eke onanama pre.

16 Nte dua onana a wo nyana worio, eni ne mi warimi ghò fa yaima: eni ka a pa wo okubonyo, nte ein ini pogomi nanyo; nte gbori itu na gbori onanakokobo na kieri paganyo.

17 Animieresini Daubei i tari, ini numomi a wo koromo anire a bari ain eke moku eresini.

18 Kumò ì ghò ain yekè gha, nte a barana ain koromò. Ain koromonyò kuromi ka a wò nyana worio, bari ain ye ekenyo kuromi ka. Mi beologomi ì Daubei barami ghò a danekè worio ye.

19 Mama bebema eresiuì Jew ongumein ogbomi ghò igbania bari bo paga.

20 Ein ghò imi ongu beghamene, O devil nyana worio, nte nomuyo; tei eresini o o pogiyò?

21 Di ongu beghamene, Mamama devil nyana woriobo abebe gha. Devil ine mangabo toru findinyò an?

22 Nte ani ifemi Jerusalem ghò Ayeba warimi die-sigimò Ayeba pre olalimi ifemi: obogu ife;

23 Nte Jesus Ayeba warimi ghò monde timi Solomon ibomomi ghò.

24 Animieresini Jew ongumein bo o ikelete, webe eke o beghamene To ala ifie í w'ekè wa mie gelegu gelegumonyo. Èrì Christbei ebèba, ganmò gba eke wa pre.

25 Jesus ein meremute beghamene, A gba eke o prete nte o meremugha: ì Daubei iremi ghò a mondeyo, ma ferema ì ghò onyatìe worio.

26 Nte o meremugha, omene íuà onanama ghò fa eresini.

27 Ínà onanama ínì pogomi na, nte a a nimi worio, nte ein ì dugo:

28 Nte befie befie numo a w'ekè a pre; a bene bene fa mbara ka fa, gboribo gboribo ka bari ine ínì bara ghò a pogoì mbara ka fa.

29 Ì Dau ne a reke ì pre worio bobei duba konongumeinbise nengi; nte gboribo gboribo ka ine Daubei barami ghò a pogoì mbara fa.

30 Èrì na Daubei na gboribara.

31 Jew ongumein bari ikputu sogio eke o gben ne mie.

32 Jesus ein meremute beghamene, Tongha tongha ebi afere Daubei gho a w'eke o diate; mama ferema gho teimi ye gho o ikputu sogio eke i gben?

33 Jew ongumein o meremute beghamene, Ebi fere eresini wa i gben gha, nte i Ayeba iremi eke papa tin eresini; eri kumo re kumo inibodumi eke Ayeba mie eresini.

34 Jesus ein meremute beghamene, O rologo-mi gho ain ge gha an, Eri webe, Omeney ayebama?

35 O ayebama eke Ayeba egberimi bomu ongu-mein tin mebeba (Ayeba egberimi ka ine pain mbara fa),

36 I Ayeba iremi eke papa tin yome, o webe eke Daubei mie ebimote feremo segborumi bomote bobei beyo an? Eri Ayeba Yai, a webe mi eresini.

37 I Daubei aferema a wo monde gha monde gha a, o i meremu kuma.

38 Nte a a monde monde a, o i meremugha ebeka, o ferema meremu: anire Daubei i gho emi barami o wo niminyo, eri ka bari Daubei gho emi.

39 Ein bari o reke ne doge: nte o einya barama gho pogoi.

40 Nte o bari bogu Jordan saba augami mu, John titari timi baptizi timi yomi; nte o anio gho timi.

41 Nte imi ongu o dugo bo; nte ein beghamene, John lelegimoye mie gha: nte John eke bei kumobei fiemo wori ayemabise kokobaiyai.

42 Nte imi ongu anio gho o gho meremu.

CHAPTER XI.

1 WOKU gbori kumo obi timi, Bethany Lazarus, Mary na, a munara Martha na kala amami gho.

2 Mabo ara Mary ne ombe pulomi eke Nyana-bobei saramo boma, nte ara tebe-anumoma eke ora buoma kuo, a munowei Lazarusbei obi timi.

3 Ere amunongumein animieresini feremo mu o la beghamene, Nyanabo, digi, i tari worio bobei obiyo.

4 Nte Jesus ain na ifemi, o beghamene, Mi obimi fe mbara fa ye, nte Ayeba bomomi eresini, anire Ayeba Yaibei ain gho bomo eke biri mokune.

5 Woku Jesus Martha na, a munarama na, bari Lazarus na tari worio.

6 Animieresini o obiyo barami o wo na ifemi, ma ene o bari w'eke o timi yomi gho timi.

7 Meme bogo barami na o webe eke o tugudugo ongumein beghamene, O bote wa bogo bari Judæa mu.

8 Tugudugo ongumein webe eke o beghamene, Rabbi, Jew ongumein i gben ne dogeyo bo; nte i bari anio munteyo an?

9 Jesus meremute beghamene, Oyi ma auwa fendi enemi gho fa an? Kumo enemi gho monde monde a, ebo bege gha, mi seborumi tukpami ebo w'ere worio mi eresini.

10 Nte kumo noinmi gho monde monde a, ebo bege, tukpami ebo gho fa eresini.

11 Mama yema o wo fie: nte meme bogo barami na, o webe eke ein beghamene, Wa na monde

oweí Lazarusbei koromunute; nte a mu, munumi ghò o iwo soumonyò.

12 Animieresini tugudugo ongumein webe eke o beghamene, Nyanabo, o koromunu nimi ebèba, o kuronyò.

13 Wòku Jesus eke o femi re fiemo: nte eni eke o koromunu odudomoyo bara re eke wo ikiomò.

14 Animieresini Jesus ganmò webe eke ein beghamene, Lazarus fete.

15 Nte omene eresini a anio ghò fa yomi ghò a biobe, anire o meremu moku; animbo ebeka o bote wa o dugo mu.

16 Animieresini Thomas, Didymus e webe tin bobei, webe eke pi tugudugo ongumein beghamene, O bote wa ka mu, o na suo fe.

17 Animieresini Jesus bo ifemi, o dubumi ghò timi ineinya noin bate bara o w'eke ere.

18 Wòku Bethany oyi sono furlong fendi kieri eke Jerusalem ghò sigimò nimi;

19 Nte imi Jew ongu bo nimi bo Martha na Mary na biodomò mbara ne ein munoweibei ghò.

20 Martha animieresini Jesus boyo barami a wo na ifemi, a mu o na bian: nte Mary pa warimi ghò timi.

21 Animieresini Martha webe eke Jesus beghamene, Nyanabo, í miò ghò timi mainbe, í munoweibei fe gha ntimi.

22 Nte wokumbo ka a nimi worio, tei tei tene í Ayeba bara ghò biye biye, Ayeba eke í prenyò barami.

23 Jesus webe eke a beghamene, Í munoweibei bari sounyò.

24 Martha webe eke o beghamene, Fe ghò
IJÒ JOHN. D

soumi ghò kunemò enemi ghò o sounyò barami, a wo nimi wòrio.

25 Jesus webe eke a beghamene, Èrìbo fe ghò soumi, bari numomi na: ori ne í ghò meremu bomi, ebò fe mebeka, ebò pa numonyò:

26 Nte tubò tubò tene numo timite ì gho meremu bomi bari bene bene fe gha nyò. Meme í wo meremu wòrio an?

27 A webe eke o beghamene, Inye, Nyanabo, Èrí Christ Ayeba Yaibei barami a wo meremute, ori ne segborumi boyo bobei.

28 A memè fie barami na, a sou bogò mu, a munara Maryma tin anga bogomote beghamene, Telimobobei miò ghò timi í tinyo.

29 Nte ara, a ain na ifiemi, doumò sou o dugo mu.

30 (Woku Jesus mani kala amami bo gha nimi, nte Martha mu o na bian yomibo ghò o pa emi.)

31 Jew ongu ne a na warimi ghò timi, a ghò biodomò timi ongumein, Maryma doumò sou paga barami ein w'ere ifiemi, ein a dugo, a mu dubumi ghò you du muyo me ein wo ton eresini.

32 Animeresini Maryma bo Jesus timi yomi late, o rere ifiemi, a ora buotuguma ghò begekote, webe eke o beghamene, Nyanabo, í miò ghò timi mainbe, inì munoweibei fe gha ntimi.

33 Ara na bari a na dugia mu Jew ongumein na, you timite Jesus ere ifiemi, o tememi ghò imingi, nte biogbote beghamene.

34 Tiò ghò o ro sun wòrio? Ein webe eke o beghamene, Nyanabo, bo digi.

35 Jesus you.

36 Animeresini Jew ongumein beghamene, Digi, o ro tari wòrio barami!

37 Ein ghò duabo beghamene, Bei kumo ne mangabobei toruma findi bobei, ine miete bei kumobei fe gha na fiagha an?

38 Jesus animieresini bari emenebodu ghò imingimo dubumi bo. Woku ain opogolo, nte ikputu eke ain kigimo worio.

39 Jesus beghamene, Ikputumi sogiosin. Martha febobei munarama webe eke o beghamene, Nyanabo, mi ife o forote; o fe ineinya noin fate eresini.

40 Jesus webe eke a beghamene, A gba i pregha an, I meremu meremu a, i Ayeba bomomi erenyo barami?

41 Animieresini ein ikputumi sogiosin. Nte Jesus emene toruma sogiomote beghamene, Dau, a i kule, i i nate barami.

42 Nte ifemabise i i nayo barami a wo nimi worio: nte mio ghò tie nimi keme itumi eresini a ain fie, anire eri i feremo bo barami ein wo meremu mokune.

43 Nte o mibara fiete sou barami na, o opu pogo eke ilogute beghamene, Lazarus, paga bo.

44 Fe timibobei sou paga bo, duei tua bitema eke bara na buo na finamo worio; bari bebe ku bite eke o torumi bakalamo worio. Jesus webe eke ein beghamene, O kpukpote o ghò barasin mumo.

45 Animieresini imi Jew ongu ne Mary dugomo bo timi ongumein, ein o mie yemi ere ifemi, o ghò meremu.

46 Nte ein ghò duabo sou Pharisee ongumein dugomo mu, Jesus miete ayema gba eke ein pre.

47 Animieresini tebe egbegua ongumein na Pharisee ongumein na kobria wo tinte beghamene,

Wamẹn̄ tei miẹyo? Bei kumọbei tɔngha tɔngha lelegimọ aye wọ miẹ ẹrẹsini.

48 Wa mibara ẹkẹ o ghọ barasin wọri wọri a, konongumeinbise o ghọ meremunyo: nte Rome ongumein bo wa yomi na bari wa semi na ẹkenyo.

49 Nte ein ghọ gboribo, Caiaphas ẹ ani kurambo ghọ sogio egbeguabo suote owei, webe ẹkẹ ein beghamene, O ye gen kalie ka nimi gha,

50 Anigha gbori kumo bari fe konongumeinbise pre egbenimi barami ka o wọ ikio gha, anire bebe sem'bise suọ fa gha moku.

51 Woku memẹ o w'ẹkẹ emenebodu fiemọ gha, nte ori ani kurambo ghọ sogio egbeguabo suote mi ẹrẹsini, Jesus fe ẹkẹ semi prenyọ bara, o wọ bere;

52 Nte bari ani semi kieri gha, nte anire Ayeba owoma ne jalagite ongumein o w'ẹkẹ ogbo kobrimọ mbara ne.

53 Animierẹsini ani enemi ghọ soumu mi ein o ba mbara ẹkẹ bia.

54 Animierẹsini Jesus bari barainmọ Jew ongumein ogbomi ghọ monde gha, nte sou bogo piri ogbo na kekianimi amami mu, Ephraim ẹ webe tin amami; nte o emene tugudugo ongumein na aniọ ghọ timi.

55 Woku Jew ongumein sababogomi bo kekiate: nte amami ghọ imi ongu iwo Jerusalem mu tere sababogomi la, ein oduma miẹ fiafiamọ wọri mbara ne.

56 Animierẹsini ein Jesus doge, ein dumọ dumọ na fie, ein Ayeba warimi ghọ tie timi ifemi beghamene, O tobara ikiomọ wọri? O ọlalimi boghanyọ an?

57 Woku tebe egbegua ongumein na Pharisee ongumein na ologo tua worio, kumo o timiyo nimi nimi a, ebo eke diate, anire ein mu o rekenyo.

CHAPTER XII.

1 ANIMIERESINI sondio anoin bogotere sababogomi la, Jesus bogo Bethany mu, Lazarus ne Jesus femi ghō soumōbobei emi yomi.

2 Animieresini ein borobu afiai tuo eke o pre; Martha feremonde: nte Lazarus o na timi yema fe ongumein ghō gboribo.

3 Animieresini Mary kpomo yelanimi ombe pulo okubo, Jesus abuoma saramo, bari ara tebe- anumoma eke ora buoma kuō: nte ombe pulomi konomi warimbise bein.

4 Nte Judas Iscariot o tugu dugo ongumein ghō gboribo, ori ne o derinyo bobei beghamene,

5 Tei eresini mi pulomi eke penni adie si derite, eke igoin ongumein pregha?

6 O igoin ongumein eke yetinyo ngho o meme fiegha; nte ori furubo eresini, ori akpabei siba worio, bari o biogho emi yaima ka sin ekeyo.

7 Animieresini Jesus beghamene, A ghō barsinte, a ain mie wori inì dibimi enemi koru.

8 Igoin ongumein ifiemabise o na emi eresini; nte eri ifiemabise ghō o na fa.

9 Jew ongumein ghō keme itumi, animieresini Jesus anio ghō emi barami ein wo nimi: nte ein bo, Jesus kieri eresini ein bo gha, nte Lazarus ne o femi ghō soumōbobei ka ein wo ere mbara ne.

10 Nte tebe egbegua ongumein Lazarus ka banyo bara eke bia;

11 Ori ẹresini imi Jew ongu sou bogo mu, Jesus gho meremute ẹresini.

12 Ain dugomo enemi, keme opu itu ne olalimi bo nimi yemi, Jesus Jerusalem boyo me ein webe na ifemi,

13 Ein ibobo apombu ekete mu o na bian, nte ilogute beghamene, Hosanna: Tari Jehovahbei iremi gho boyo bobei la, Israel amanyanabobeibo.

14 Nte Jesus ewo ketekete ere ifemi, o o rogono gho gbana timi; ge worio barambo,

15 Esin kuma, Zion bau: digi, ini amanyanabobei ketekete togu ogono gho gbana timi boyo.

16 O tugudugo ongumein titari ifemi gho mama yema tugunimi gha: nte Jesus bomo eke biri ifemi, anire wkere mama yema eke o gemo worio barami ein wo ikio, nte ein bari mama yema eke o miemote barami ka.

17 Animieresini keme itu ne o na timate dubumi gho o Lazarus tin femi gho soumo ifemi gho timi yemi onyatie.

18 Meme ẹresini keme itumi mu o na bian, mi lelegimoyemi o wo miete barami ein wo na ẹresini.

19 Animieresini Pharisee ongumein webe eke ein ogbo gho beghamene, Digi, o ye gen kalie ka gho nengimo gha barami: digi, segborumi wage o dugo mute.

20 Woku Greek ongu olalimi gho kare ne bo ongumein na suq bo timi:

21 Meinmein animieresini Philip, Galilee Bethsaida bobei dugo bo, nte ein o bite beghamene, Nyanabo, wa Jesus ere ne dogeyo.

22 Philip bo gba Andrew pre: Andrew na Philip na dugia bo gba Jesus pre.

23 Nte Jesus ein meremute beghamene, Owei Yaibei bomo eke birinyo ifemi bo wo late.

24 Kesiye, kesiye, a gba eke o preyo, Mbiakpa mgbo sin kirimi gho koro fe beresigimo, ain kieri timinyo; nte ain fete ebaba, ain imi abeinyai tuanyo.

25 Ori ne emene numomi tari bomi, ain famonyo; nte ori ne mi segborumi gho emene numo na fiagha bomi, ain koko wori befe befe numo lanyo.

26 Kumo i nimi mebeba, barasinte ebo i dugo; nte a timi yomi bo ini biokorubobei ka timinyo yo: kumo i nimi mebeba, Daubei tebesin ebo prenyo.

27 Ini tememi wekere gbote; nte a teiye webe fienyo? Dau, mi ifemi gho i bogomo. Nte meme eresini a mi ifemi dugo bo.

28 Dau, bomo eke ini iremi birimo. Animeresini heaven gho gbori pogo bo, beghamene, A bomo eke ain birimote, nte a bari bomo eke ain birimonyo.

29 Animeresini keme itu ne tie timite ain na yemi, beghamene, Enebio fiete: duabo beghamene, Angelbo bo o na fiete.

30 Jesus meremute beghamene, Mi pogomi eri eresini bo gha, nte omene eresini.

31 Wokumi mi segborumi berepelemi: woku mi mi segborumi nyanaoweibei demonyo.

32 Nte eri mi kirimi gho i sogiomote ebaba, konongumeinbise nunu inibodu soumonyo.

33 Nte meme o eke, o konbara timi femi re tomo, fie.

34 Keme itumi animeresini meremute beghamene, Christbei timi befe befe lanyo me be

barami ologomi ghò wa wò na wòrio: nte tobara miète, Owei Yaibei sogiomonyò me í wébeyo? Bei owei Yaibei tubò?

35 Jesus animieresini webe eke ein beghamene, Ifie gen kalie ghò tukpami o na timi. Tukpami o wò nyana wòrio ifiemi ghò o monde, anire atankoro bo o gban gha nyò: nte ori ne atankoromi ghò mondeyo bomi ebo muyo yo ebo wò nimigha.

36 Tukpami o wò nyana wòrio ifiemi, o tukpami ghò meremu, anire o bo tukpa owoma suonyo. Mama yema Jesus wò fie, nte ein ghò o sou bogomu emenebodu sogoi.

37 Kpomò imia lelegimò ayema re o weke ein torugo ghò miète ebeka, animbo ebeka ein o ghò meremu gha:

38 Anire Isaiah ye-ere-berebobei fie wòrio yemi bo paga mokune beghamene, Jehovah, tubò wa gba egberimi meremute? Bari Jehovahbei barami eke tubò diate?

39 Meme eresini ein ine meremugha, Isaiah bari be wòrio eresini,

40 O einya toruma mangamote, o bari einya bioma kuromote; bofa einya toruma ein w'eke ere, bari einya bioma eke ikiote, wagete, a ein gbale kuromonyo.

41 Mama yema Isaiah wò fie, ori o bomomi ere eresini; nte o eke o fiemo.

42 Animbo ebeka tebe ongumein ghò imi ongu o meremu; nte Pharisee ongumein eresini ein ain eke paga gha, bofa ein Jew kare warimi ghò ein demo pagamo mbara ne:

43 Ein konongu bomomi tari eke Ayeba bomomi nengi eresini.

44 Nte Jesus ilogute beghamene, Ori ne i ghō meremu bōmi, i ghō meremu gha, nte i feremo bo bōbei re ghō meremu.

45 Nte ori ne i nere bōmi, i feremo bo bōbei ka ere.

46 A bo segborumi tukpa suo ne bo, anire tubo tubo tene i ghō meremu bōmi, atankoromi ghō timi gha nyo bara.

47 Kumō inà fieyaima nate, a koko gha ebeka, a ebo ghō berepele gha: a segborumi ghō berepelemi ne bo gha, nte segborumi re dua me ne bo.

48 Ori ne i seke, bari inà fieyaima daneke gha bōmi, berepele preyo gboribo ebo wo nyana worio: egberi ne a fiete yemi, aniyemibo kunemo enemi ghō ebo ghō berepelenyo.

49 Ini barana bodu ghō a fiegha eresini; nte i feremo bo Daubei re be-ologo tua i pre worio, a dugo mbara timiye na, a bari fie mbara timi ye na.

50 Nte o be-ologomi befie befie numo barami a wo nimi worio: animieresini ye ne a fieyo yema, Daubei eke i be barambo re a wo fieyo.

CHAPTER XIII.

1 WOKU anitere sababogo olalimi la mi, Jesus o mi segborumi wori sou bogo Daubei dugo munyo ifiemi bo wo late barami, o wo nimi, or' ongu ne segborumi ghō emi ongumein, o wo tarite ifiemi, o ein tari mu kunemi la.

2 Borobu afiai ein wo fe timi ifiemi, devilbei oruguro o deri mbara mi eke Judas Iscariot, Simon yaibe, bio ghō tuate,

3 Yemabise Daubei w'ẹke o prete barami Jesus wo nimi iflemi, nte o Ayeba gho bo, bari Ayeba dugo munte,

4 Borubo fai agba anga gho soute, ora botuaweima sin anga gho koromo; nte o gbori bitebara eke foko.

5 Nte o bo mindi eke opu efere gho tuate, nte koro tugudugo ongumein abuoma sogere, nte o foko worio bitebarabei eke a ku.

6 Animieresini o bo Simon Peter la. O webe eke o beghamene, Nyanabo, eri ina buoma sogereyo an?

7 Jesus meremute webe eke o beghamene, A miyo yemi woku gho i nimi mbara fa; nte obuko la tere i niminyo.

8 Peter webe eke o beghamene, Eri bene bene ina buoma sogere gha nyo. Jesus o meremute beghamene, A i sogere gha ebaba i i gho nyana nyana anga fa.

9 Simon Peter webe eke o beghamene, Nyanabo, ina buoma kieri gha, nte ina barama ka, bari ini tebemi ka.

10 Jesus webe eke o beghamene, Mindi korote bomi bari doge doge ye fa ebo abuoma sogerenyo yo me kieri, ebo gboribo paga fa nimi eresini: nte o paga fa nimi, nte obise gha.

11 O derinyo bobei o wo nimi worio eresini; animieresini, Obise paga gha e o webe.

12 Animieresini o ein abuoma sogerete sou barami na, ora botuaweima eke, nte bari kiri gho timite webe eke ein beghamene, A eke o gho miete yemi o wo nimi worio an?

13 O Telimobo na Nyanabo na, eke i tin: o fie koriamo worio: animbarambo a emi bara eresini,

14 Èrì, Nyanabobei na Telimobobei na, ora buoma sogerete ebēba, omene ka dumo dumo abuo sogere na fia nimi.

15 Digimieye a w'eke o prete, anire a eke o miemo barambo o ka wo mie mbara eresini.

16 Kesiye, kesiye, a gba eke o preyo, Omonibo duba eke emene nyanabo nengi gha; anigha ka feremo bo bomi ka duba ebọ feremo bo bobei nengigha.

17 O mama yema nimate o bari a mie mie a, tari o la.

18 A eke obise fiemo gha: a seleneke worio mongumein a wo nimi worio: nte anire Ayeba egberimi bein mokune, Ina fiama feyo bobeibo, emene buo tongumi sogiomo eke i date.

19 Woku gho soumu mi gho a gba eke o pre tere ain bo paganyo, anire ain bo paganyo ifiemi, eribo ori barami o wo meremunyo.

20 Kesiye, kesiye, a gba eke o preyo, ori ne a feremo bo bo daneke bomi i daneke; bari i daneke bomi i feremo bo bobei daneke.

21 Jesus meme fie barami na, o tememi gho gbo nte onyatiete fiete beghamene, Kesiye, kesiye, a gba eke o preyo, O gho gboribo i derinyo.

22 Tugudugo ongumein dumo dumo digite, o eke fiemoyo bomi gho ein gelegu gelegu.

23 Defuebei anga gho o tugudugo ongumein gho gboribo Jesus biotugumi serere wori, ori ne Jesus taribobei.

24 Animieresini Simon Peter o fengumote, webe eke o beghamene, O eke fiemoyo bomi wo gba eke wa pre.

25 Ori Jesus biotugumi serere wosite, o timi barambo, webe eke o beghamene, Nyanabo, tubo ?

26 Jesus animieresini meremute beghamene, Ori ne a fiaini simbite eke prenyo bomi. Animieresini o fiaini simbi ifiemi, o ain eke Judas Simon Iscariot yaibei pre.

27 Nte fiaini fete sou barami na, Satan bo o ghō suō. Jesus animieresini webe eke o beghamene, Ye ne í miē yemi, doumō wō miē.

28 Defuebei ghō emi ongumeinbise gboribō ka miēte ne o mama yema eke o na fieyo tugumi nimi gha.

29 Duabo ikiomō bara, Judas akpabei nyana worio mi eresini, Jesus webe eke o beghamene, Olalimi ghō wa doge mbara timi ayema fe; anigha duaye eke igoin ongu pre mbara.

30 Ori fiaini da fete sou barami na, kirina kirina sou paga: nte ani ifiemi noin.

31 Animieresini o bogō paga barami na, Jesus beghamene, Wekere oweí Yaibei bomō eke biritē, nte Ayeba ka o ghō bomō eke biritē;

32 Nte Ayeba ka obodu ghō bomō eke hirimonyō, nte o kirina kirina o bomō eke o birimonyō.

33 Owoma kalai, ifie gen kalie bo a w'ēke o na timi. O i dogenyō: nte a eke Jew ongumein be barambo, A muyo yomi, o ine bo mbara fa; anibarambo a w'ēke woku ghō o na fieyo.

34 Ewō be-ologo a w'ēke o pre, animi o dumō dumō tari; a o tari worio barambo, o ka w'ēke dumō dumō tari.

35 Memē re ghō konongumeinbise niminyō omene inà tugudugo ongumein barami, o dumō dumō tari tari a.

36 Simon Peter webe eke o leghamene, Nyanabō, í tiō muyo? Jesus meremute begha

menẹ, A muyo yomi, í ine woku ghọ ì dugo mbara fa ; nte obuko la tere í ì dugonyo.

37 Peter webe eke o beghamene, Nyanabo, tei eresini wokumbo ka ghọ a ine í dugo gha? a inì numomi koromo í prenyo.

38 Jesus meremute beghamene, Í iní numomi koromo ì prenyo an? Kesiye, kesiye, a gba eke í preyo, Ofonibei ka pan gha timi, í terai ifie eke ì piginyo.

CHAPTER XIV.

1 MIETE ora bio gbo kuma : o Ayeba ghọ meremu, o éri ka ghọ meremu.

2 Í Daubei warimi ghọ imia timi-eri emi ; anibara fa timi mainbe a gba eke o pre ntimi ; a mu yo tolo mo wori eke o pre ne muyo eresini.

3 Nte a mu yo tolo mo o pre ebaba, a bari wage bo, o reke inibodu prenyo : anire a timi yomibo ghọ, omene ka timi mokune.

4 Nte a muyo yomi o retelimi nimi worio.

5 Thomas webe eke o beghamene, Nyanabo, í muyo yomi wa wo nimi gha ; nte tobara ghọ wa etelimi nimi worio ?

6 Jesus webe eke o beghamene, Éribo etelimi, kokobaiyemi ka, bari numomi ka : kumo ine Daubei dugomo bo gha, éri dugo tolu beresigimo.

7 Yo re ghọ o ì nimi wori mainbe, o ì Daubei ka nimi ntimi : woku ghọ koro mu nghọ o o nimi nte bari o rere ka o rere.

8 Philip webe eke o beghamene, Nyanabo, Daubei eke wa dia, nte ain wabo ghọ ebinyo.

9 Jesus webe eke o beghamene, Mibara timi

ala ifie a w'ekẹ ọ na timite, í mani ì nimi gha nimi an Philip? Ori ne ì nẹrẹ bọmi, Daubei ka erete; tei eresini Daubei eke wa dia e í webeyo?

10 A Daubei ghọ emi, Daubei ka bari ì ghọ emi barami, í wọ meremu gha an? bebe ne a eke ọ na fieyo yaima, ìnì barana bodu ghọ a fie gha: nte Daubei re í na timi o ferema mondeyo.

11 A Daubei ghọ emi, Daubei ka bari ì ghọ emi barami eke ì meremu: anigha ka ferema bo eresini ì meremu.

12 Kesiye, kesiye, a gba eke ọ preyo, Ori ne ì ghọ meremu bọmi, a munde aferema ebo ka wọ mondenyo; bari duba mamama nengi yai ka ebo wọ mondenyo; a bogo Daubei dugo mu eresini.

13 Nte tei tei tene ọ ìnì iremi ghọ biye biye, animi a wọ mienyọ, anire Daubei Yaibe ghọ bomo eke birinyo mokune.

14 Ìnì iremi ghọ ọ biye biye animi a wọ mienyọ.

15 Ọ ì tari wọrio mebeba, ọ ìnà be-ologoma kokonyo.

16 Nte a Daubei teketẹ, o bari din Biodomobo eke ọ prenyo, anire o ọ na timi befi befi lanyo,

17 Kokobaiye Tememibo: segborumi ine danẹke mbara fa bobei, ain o reregha eresini, bari o nimi ka o nimigha: omene o nimi wọrio; o ọ na emi, bari ọ ghọ timinyo eresini.

18 Gbalebọ fa bara a wọ eke ọ wọri mbara fa: a ọ dugo boyo.

19 Animbo ebeka ifie kaliọ kote, segborumi bari ì nẹrẹ mbara fa; nte omene ì nẹrẹ: a numonimi mi eresini, ọ ka numonyo.

20 Anì enemi la la, a ì Daubei ghò emi barami o wò niminyò, omene ka bari ì ghò emi, éri ka bari o ghò emi.

21 Ori ne ìnà be-ologoma eke nte bari a koko bomi, anibombo ì tari worio bo : nte ì tari bomi, ì Dau ka ebo tarinyo nte éri ka ebo tarinyo, a bari ìnìbodu eke ebo dianyo.

22 Judas (Iscariotbei gha) webe eke o beghamene, Nyanabo, tei bo paga ne ìnìbodu í w'eke wa dia, nte eke segborumi dia gha nyo.

23 Jesus merumute webe eke o beghamene, Kumo ì tari worio mebeba, ebo ìnì egberimi kokonyo : nte ì Daubei ebo tarinyo, wa bari ebo dugo bote wa angayo eke ebo ghò mienyò.

24 Ì tari gha bomi ìnà egberima koko gha : o nayo egberimi ìniye gha, nte ì feremo bo Daubei re ye.

25 A pa o na emi ifemi ghò, a mama yema eke o na fiete.

26 Nte Biodomobei, Ebi Temebo ne Daubei ìnì iremi ghò feremo bonyo bopei, ori yemabise eke o telimonyo, a bari eke o na fiete ayemabise ka, o eke o ikiomonyo.

27 Domo a w'eke o na wori ; ìnì domomi a w'eke o pre : segborumi preyo barami a w'eke o pregha. Miete ora bio gbo kuma, anigha ka miete ain esin kuma.

28 A sou bogo yo me a webe barami o wò nate, nte a bari o dugo bonyo. O ì tari worio mebeba, o bio re belenyò, a Daubei dugo muyo eresini : Daubei duba ì nengi eresini.

29 Woku a gba eke o pre tere ain bo paga, anire ain bo paga paga a, o meremu mbara ne.

30 A bari o na imiyai fie mbara fa, segborumi

nyanaoweibei boyo ẹresini; nte o i ghọ nyana nyana ye gen kalie ka fa ;

31 Nte anire a Daubei tari worio barami segborumi wo nimi mokune, nte Daubei be-ologo eke i pre barambo, a wo mie. O soutiete, wa miomi wori bogo.

CHAPTER XV.

1 ÉRÌ kokobai win tinmi, i Daubei bari kiri isibobei.

2 Ikpangimabise ne i ghọ timitẹ beinyai tua gha yaima, o ein sogiosinyo: nte beinyai tua yaimabise o bari wo mie pagamo, anire ein bari ewo imia beinyai tua mokune.

3 Oruguro o pagate a eke o na fiete abebema ẹresini.

4 O i ghọ timi, nte ẹri ka o ghọ timi. Ikpangimi ine barana ainbodu ghọ beinyai tua gha barambo, ain win tinmi ghọ timi beresigimo anio nengiyọ o ka ine wo mie mbara fa, o i ghọ timi beresigimo.

5 Ẹri win tinmi, omene bari ikpangima: Ori ne i ghọ timi, nte ẹri ka bari ebọ ghọ timi bomi, anibomi imia beinyai tuanyo: i neke anga ghọ koromo koromo a, o ine ye gen kalie ka mie mbara fa.

6 Kumọ i ghọ timi gha ebẹba, ikpangi bara eke ebọ nyungumote, nte ikpakunyo; nte ein a tan eke fene ghọ tuamo dogimonyo.

7 O i ghọ timitẹ, inà egberima ka bari o ghọ timi timi a, o bobele ye ye o wo bi, nte a ain mie eke o prenyo.

8 Meme ghò ì Daubei bomo eke biritè, o imia beinyai tua mi eresini; nte animbarambo o inà tugudugo ongu suonyo bara.

9 Daubei ì tari barambo, éri ka eke o tarite : inì tarimi ghò o timi.

10 O inà be-ologoma koko koko a, o inì tarimi ghò timi nyo ; a ì Daubei be-ologoma kokote o tarimi ghò timi barambo.

11 Mama yema a w'eke o na fiete, anire inì biobelemi o ghò timi mokune, nte anire o biobelemi ka bein mokune.

12 Meme inì ologomi, animi o dumo dumo tari, a o tari barambo.

13 Duba memè nengi tari kumo wo nyana gha, animi kumo emene numomi wo koromo eke emene na monde ongumein pre.

14 Omene inà monde ongu, a o be ayema o wo mie mie a.

15 A bari omoni ongu eke o tin mbara fa ; omonibobei o nyauabobei mieyo yemi nimi gha eresini : nte a monde ongu re eke o tinte ; ì Daubei ghò a na ayemabise a wo mie eke o nimimote eresini.

16 Omene ì seleneke gha, nte éri re o seleneke, bari o tinte, anire o mu beinyai tua mokune, nte ora beinyaima bari timinyo bara : anire tei tei tene inì iremi ghò Daubei bara ghò o biye biye, o w'eke o pre mokune.

17 Mama yema a w'eke o beyo, anire o dumo dumo tari mokune.

18 Segborumi o na fiagha ebèba, ain titari ì na fiagha tere o na fiagha barami o wo nimi.

19 O segborumi ongu mainbe, segborumi ain ongumein tari ntimi ; nte omene segborumi ongu

IJO JOHN.

E

gha mi eṛesini, nte a seḡborumi ghō o selenekete mi eṛesini, seḡborumi o na fiaghayo.

20 A eke o na fie abebema o wo ikio, Omonibo duba eke emene nyanabo nengigha. Ein i ogboni ogboni a, ein o ka ogboninyo; ein ini egberimi koko koko a, ein o yemi ka kokonyo.

21 Nte mama yemabise ein weke o mienyo ini iremi eṛesini, i feremo bo bobei ein wo nimi gha eṛesini.

22 A bo ein na fie gha ntimi mainbe, ein sei nyana gha ntimi: nte woku einya seima ghō ein eke gba bogo bogo ye nyana ghate.

23 Ori ne i na fiagha bomi, i Daubei ka na fiagha.

24 Dumo monde gha afere a weke ein ogbo ghō monde gha ntimi mainbe, ein sei nyanagha ntimi: nte woku ein erete i na fiagha, bari i Daubei ka na.

25 Nte meme bo pagami, anire einya ologomi ghō ge worio yemi bo paga mokune, ein tugu fa bara eke i na fiagha.

26 Nte Biodomobobei bo nyo ifemi, ori ne Daubei ghō a feremo bo o prenyo bobei, kokobaiye Tememibo, ori ne Daubei ghō pagabobei, o i ghō onyatienyō :

27 Nte omene ka onyatie, titari koro ifemi ghō o i na emi eṛesini.

CHAPTER XVI.

1 MAMA yema a weke o na fiete, anire o mie begemo gha mokune.

2 Jew ongu kare warima ghō ein o de pagamonyo: inye, ifemi boyo, tubo tubo tene o babo

babọ feremọnde ẹkẹ Ayeba preyo bara ikiomonyo.

3 Nte mama yema ein wo mienyọ, ein Daubei na, ẹri na nimigha mi ẹresini.

4 Nte mama yema a w'ẹkẹ o na fiete, anire bo ein ifiemi la la, a gba o pre barami, o wo ikionyo. Nte mama yema titari koro ifiemi gho a w'ẹkẹ o na fiegha, a o na timi mi ẹresini.

5 Nte woku a bogo i feremo bo bobei dugo munte; o gho gboribo ka, I tiọ muyome, webe i bigha?

6 Mama yema a weke o na fiete mi ẹresini, kururu ora bioma beinte.

7 Animbo ebeka kokobaiyemi a wo gba o preyo; A sou bogoyo mi kpomo o gho ebinimi; a sou bogo gha ebaba, Biodomobobei o dugo bo mbara fa; nte a mu mu a, a o feremo bo o prenyo.

8 Nte ori, o bo nyo ifiemi, sei ẹresini o segborumi mie seimi le pagamonyo, koriamieye ka, bari berepeleye ka:

9 Sei gho, ein i gho meremu gha ẹresini;

10 Koriamieye gho, a Daubei dugo mu, nte o bari i nere mbara fa ẹresini;

11 Berepeleye gho, mi segborumi nyanaoweibe gho Ayeba berepelete ẹresini.

12 Tongha tongha ye a bari pa wo nyana wori o na fienyọ, nte woku gho o ine a da mbara fa.

13 Animbo ebeka ori, kokobaiye Tememi bonyo ifiemi, o o koremonde kokobaiyemabise munyo: o barana bodu gho o fie ghanyo ẹresini; nte ye tene o naye naye, aramabo re o wo fienyọ: bonyo yema ka o wo gba o prenyo.

14 O bomo ẹkẹ i birimonyo: o inainma gho ẹkẹ, nte ain gba o prenyo ẹresini.

15 Daubei nyana worio mayembise inàin: animieresini, O inàinma gho eke nte ain gba o prenyo, mi a webe.

16 Ifie kalio kote, o bari i nere mbara fa: nte bari ifie kalio kote, o bari i nerenyo.

17 Animieresini o tugudugo ongumein gho duabo webe eke dumo dumo beghamene, Meme teiye ne o eke wa na fieyo ye, Ifie kalio kote, o bari i nere ghanyo; nte bari ifie kalio kote, o bari i nerenyo: nte, A bogo Daubei dugo muyo eresini?

18 Animieresini ein beghamene, Meme teiye ne o fieyo ye, Ifie kalio kote? O fieyo yemi wa wo nimigha.

19 Ein o bi mene dogeyo barami Jesus wo nimi, nte o webe eke ein beghamene, A fie yemi tugumi o rogbo gho o wo nimi mene biyo an? Ifie kalio kote, o bari i nere ghanyo, nte bari ifie kalio kote, o bari i nerenyo?

20 Kesiye, kesiye, a gba eke o preyo, O ilogu younyo, nte segborumi biobelenyo: o kururunyo, nte o kururumi wage biobeḷe doinyo.

21 Iyorobo di kore ifiemi kururu nyana, ara ifiemi bote eresini: nte a togumi di koromo koromo a, a bari iyami ikiogha, kumo wo di bo segborumi gho koromote biobelemi eresini.

22 Nte animieresini woku omene kururu nyana worio: nte a bari o rerenyo, nte ora bioma belenyo, nte o biobelemi gboribo ka o gho sogiosin mbara fa.

23 Ani enemi la la, o bari ye eke i bi mbara fa. Kesiye, kesiye, a gba eke o preyo, Tei tei tene Daubei bara gho o biye biye, inì iremi gho o ain eke o prenyo.

24 Sou bo woku lami, o inì iremi gho ye bi

gha nimi: bi, nte o bara lanyo, anire o biobelemi beinnyo.

25 Kabo ngho a mama yema eke o na fiete: a bari kabo ngho o na fie ghanyo ifiemi boyo, nte ganmo Daubei ghogba eke o prenyo.

26 Ani enemi ghogba o ini iremi ghogba binyo: a Daubei teke eke o prenyo me a webe gha;

27 Daubei bodu ka o tari worio eresini, o i tarite, a Daubei ghogba bo barami meremu eresini.

28 A Daubei ghogba paga segborumi bo: nte a bari segborumi ghogba barasin Daubei dugo munte.

29 O tugudugo ongumein beghamene, Digi, wekere i ganmo fie nte kabobara fiegha.

30 Wekere i yemabise nimi worio barami wa wo nimi, nte kumo i binyo, i wo dogegha: memere ghogba i Ayeba ghogba bo barami wa wo meremu.

31 Jesus ein meremute beghamene, Woku o meremuyo an?

32 Digi, ifiemi boyo, inye bote, o keme keme jalage, emene yo yo munyo, nte i kieri wori nyo: animbo ebeka, a kieriko gha, Daubei i na emi eresini.

33 Mama yema a weke o na fiete, anire i ghogba o domo nyananyo. Segborumi ghogba o biogboye nyanayo: nte o biobeles; a segborumi nengimote.

CHAPTER XVII.

1 MAMA yema Jesus wo fie: nte o emene toruma sogiomo heaven digite beghamene, Dau, ifiemi bote, bomo eke i Yaibe birimo, anire Yaibe ka bomo eke i birimonyo:

2 Kuro i weke o pre imenimabise nengimo

barambo, anire tei tei tene í eke o pre worio ye ye, befie befie numo o w'eke ein pre mbara ne.

3 Nte mi befie befie numomi anire ein erí kingere kokobai Ayebabei nimi moku, í bari feremo bo worio bobei ka, Jesus Christbei bo.

4 A segborumi ghò bomò eke í birimote, í eke ì pre monde ebe feremi a wò monde famote mi eresini.

5 Nte woku, Dau, inì barana bodu ghò ani bomò ne a í na nyana wòri tere segborumi paga yemi, eke ì birimò.

6 Iní iremi a w'eke konongu ne segborumi ghò í eke ì prete ongumein, diate: ein iná ongu, nte erí ein eke ì prete; nte ein iní egberi kokote.

7 Woku ein ka nimi tei tei tene í eke ì preye preye iní bara ghò bo barami:

8 Egberima ne í eke ì prete yaima a w'eke ein prete; nte ein a danekete nte a í ghò bo barami kokobaibara ghò ein wò nimate, erí ì feremo bo barami ka ein wò meremute.

9 A kare eke ein pre: a kare segborumi pregha, nte eni ne í eke ì pre worio mongumein re; ein iní ongu eresini.

10 Inàinmabise ináin, ináinmabise bari inàin: nte a ein ghò bomò eke brite.

11 A bari segborumi ghò timi ghanyo, nte meinmein segborumi ghò emi, nte a í dugo boyo. Ebi Dau, iní iremi ghò í eke ì pre worio mongumein koko; anire ein gboribo suonyo, wa gboribo barambo.

12 A ein na timi ifemi, í eke ì pre ongumein iní iremi ghò a wò koko wòri: nte a ein koru, ein ghò gboribo ka fa gha, jipumò fa yaibei sigimò; anire egberimi bein mokune.

13 Nte woku a í dugo boyo ; nte mama yema segborumi gho a wo fie, anire inì biobelemi ein gho bein mokune.

14 Iní egberimi a w'eke ein prete ; nte segborumi ein na fiagha, ein segborumi ongu gha eresini, erì ka segborumi bo gha barambo.

15 Segborumi gho ein sogiosin e a webe kare gha, nte sei bobei re gho ein koko moku.

16 Ein segborumi ongu gha, erì ka segborumi bo gha barambo.

17 Kokobaiyemi gho ein die sigimo : iní egberimi kokobaiye.

18 Í ì feremo segborumi bo barambo, animbarambo erì ka w'eke ein feremo segborumi mute.

19 Eni eresini a inìbodu die sigimo, anire ein ka kokobaiye gho ebi mokune.

20 A kare mein ongumein kieri pre gha, nte einya egberima dugo tolu gho ì gho meremunyo mongumein ka.

21 Anire einbise gboribo suonyo ; erì, Dau, ì gho emi ; erì ka bari í gho emi barambo : anire ein ka wa gho timinyo : anire erì ì feremo bo barami, segborumi wo meremunyo.

22 Bomo ne í eke ì prete yemi, a w'eke ein prete ; anire ein gboribo suonyo, wamene gboribo barambo ;

23 Erì ein gho timi, erì bari ì gho timi, anire ein kiekie gboribo suonyo ; anire erì ì feremo bo barami, segborumi wo niminyo, nte ein tari, erì ì tari barambo.

24 Dau, eni ne í eke ì prete ongumein bo a timi yomi gho timi mbara a wo doge ; anire í eke ì prete bomomi ein w'erenyoyo ; erì ì tari wori tere segborumi koro eresini.

25 O koriayemie Dau, segborumi í nimi gha, nte éri í nimi worio ; nte meinmein ka éri ì feremo bo barami nimate.

26 Nte iní iremi a wo mie eke ein nimimote, bari ain mie nimimonyo ; anire tari ne í eke ì tari worio yemi ein gho timinyo, éri ka ein gho timinyo.

CHAPTER XVIII.

1 JESUS mama bebema fiete sou barami na, o o tugudugo ongumein na paga mu Kidron okolobei saba, anio gho gbori biopolo timi, nte ori na o tugudugo ongumein na mu ain gho suo.

2 Woku Judas ne o deribobei ka yomi nimi worio, tongha tongha ife gho Jesus o tugudugo ongumein na anio mu eresini.

3 Anire Judas tebe egbegua ongumein na, Pharisee ongumein na bara gho omungu ongu itu na you tebe ongu danekete ifemi, tukpa na, koriyo fene na, you aye na ekete anio bo.

4 Animieresini Jesus bo o lanyo mayemabise nimi worio eresini, paga mute webe eke ein beghamene, O tubo dogeyo?

5 Nazareth Jesus e, ein webe o meremu. Jesus webe eke ein beghamene, Eri ori. Nte Judas ne o deribobei ka ein na tietimi.

6 Animieresini, Eri ori, o webe eke ein be ifemi, ein obutate bege kirmi gho koro.

7 Animieresini o bari ein bi, O tubo dogeyo? Nte ein beghamene, Nazareth Jesus.

8 Jesus meremute beghamene, Eri ori, a webe

gba o prete; animieresini o i dogeyo mebeba, barasinte meinmein emene eteli mu :

9 Anire egberi ne o fie worio yemi bein mokune, Ein gho i eke i pre worio mongumein gboribo ka a wo famogha.

10 Animieresini Simon Peter emene nyana wori abo ogidi nunute eke sogio egbeguabobei gbori omonibo kite, o yefebaranga beremi pelesin. Woku omonibobei iremi Malchus.

11 Jesus animieresini webe eke Peter beghamene, Ogidibei eke kpapumi gho tua: Daubei eke i prete omongobei, a ain bou ghanyo an?

12 Anine, itumi na omungu tebebebei na Jew ongumein feremunde ongumein na Jesus kori finate,

13 Nte o reke mu titari Annas pre; ori Caiaphas fua-oweibei ani kurami gho sogio egbeguabobei.

14 Woku bei Caiaphas ne, telimo bebe eke Jew ongumein preghamene, gbori kumo fe eke konongumein pre egbenimi e webe bobei.

15 Nte Simon Peter Jesus dugo, din tugudugobo ka animbara mie. Sogio egbeguabobei ani tugudugobobei nimi worio, nte ori Jesus na sogio egbeguabobei warimi suo.

16 Nte Peter bugomi polo angami gho tietimi. Din tugudugobo ne sogio egbeguabobei nimi worio bobei ka monde paga mu bugomi koko arama na fiete, nte Peter suomo bo.

17 Bugomi koko iyoroboma animieresini webe eke Peter beghamene, Eri ka bei kumobei tugudugo ongumein gho dumo an? O beghamene, Eri gha.

18 Woku omoni ongumein na, feremunde ongumein na anio gho onye eke fene tuamo

tietimi; dodo timi eresini; nte ein tebi timi; nte Peter ka ein na tietimi tebi timi.

19 Animieresini sogio egbeguabobei Jesus bara gho o tugudugo ongumein na, telimoyemi na timibara bi.

20 Jesus o meremu beghamene, Ganbara a w'eke segborumi na fiete; ifiemabise gho Jew ongu kare warima na, Ayeba wari na ne Jew ongumeinbise kobria yoma ngho a telimote; nte sogoiyo gho a dinye fie ghate.

21 Tei eresini i i biyo? A eke ein na fiete ayema eke i nate ongumein bi: digi, meinmein a fiete ayema nimi worio.

22 Nte o meme fiete ifiemi, feremonde ongumein gho gboribo emene barami eke Jesus lete beghamene, Mibara i w'eke sogio egbeguabobei meremu yo an?

23 Jesus o meremute beghamene, A seiye fiete ebaba, seimi gho onyatie: nte ebiye mebeba, tei ne i i leyo?

24 Animieresini Annas o fina worite feremo mu Caiaphas sogio egbeguabobei pre.

25 Woku Simon Peter tie nte fene tebi timiyo. Animieresini ein webe eke o beghamene, Eri ka o tugudugo ongumein gho dumo an? O pigite beghamene, Eri gha.

26 Sogio egbeguabobei omoni ongumein gho gboribo, Peter berimi pelesinbobei na gbori furobo, beghamene, Biopolomi gho i o na timite a ere gha an?

27 Peter bari animieresini pigi: nte ofonibei kirina kirina pan.

28 Animieresini Caiaphas bara gho ein Jesus eke beredugo warimi mu: nte ani ifiemi badede

pukò pukò ; einbodu ka mu beredugo warimi suo gha, anire seimie moku fa, nte ein sababogo olalimi fe mokune.

29 Pilate animieresini paga ein dugo mute, beghamene, Tei tebe gbamo ye bei kumobei gho o wo okubo.

30 Ein meremute webe eke o beghamene, Bei kumobei seimiebo gha mainbe, wa o bogomo bo í pre gha ntimi.

31 Pilate animieresini webe eke ein beghamene, omene barana o reke, nte ora ologoma digi berepele o pre. Jew ongumein webe eke o beghamene, Wamene kumo ba egbegha.

32 Anire Jesus egberi ne o fieyemi bein mokune, o konbara timi femi eke dia barami.

33 Animieresini Pilate bari beredugo warimi gho suo nte Jesus tin, nte webe eke o beghamene, Eri Jew ongumein Amanyanabobei an?

34 Jesus meremute beghamene, Eri barana meme fieyo mono duabo i tebe gho gba í pre?

35 Pilate meremute beghamene, Eri Jewbo an? Iní barana semi na, tebe egbegua ongumein na í bogomo bo i pre : í tei miete?

36 Jesus meremute beghamene, Iní amanyanabokirimi mi segborumi gho fa : iní amanyanabokirimi mi segborumi gho timi mainbe, ina feremonde ongumein yousuote Jew ongumein bara gho i bogomo gha timi : nte woku ini amanyanabokirimi anio gho fa.

37 Animieresini Pilate webe eke o beghamene, Anine eri Amanyanabo an? Jesus meremute beghamene, Eri amanyanabo i webe fieyo. Memebo eresini a di nimi, nte memebo eresini segborumi a wo bo, anire a kokobaiyemi gho

onyatiē mbara nē. Kokobaiyemi ghō emi ongu-
meinbiṣe ini pōgomi na.

38 Pilate wēbē ēkē o beghamēnē, Kokobaiyemi
tei? O mēmē fiētē sou ifiemi, o paga Jew
ongumein dugo mutē, wēbē ein beghamēnē, A
o ghō din seiye ērē gha.

39 Ntē o miēmīeye nyana wōrio, sababogomi
ghō a pa dumō ghō barasin o prēnyo: animi-
erēsini o bōu Jew ongumein Amanyanabōbei a
kpukpō ēkē o prēnyo an?

40 Animiērēsini ein bari ilogu pagamōtē be-
ghamēnē, Bei kumōbei gha, ntē Barabbas. Wōku
Barabbasbei toru kuro furubō.

CHAPTER XIX.

1 ANIMIERESINI Pilate Jesus ēketē o famu.

2 Ntē omungu ongumein igaragaraba ye dori
ēkē o tēbē ghō tua, bari gbōri wowo botuawei
ēkē o tua;

3 Ntē ein o dugo bote beghamēnē, Noa, Jew
ongumein Amanyanabō! ntē ein einya barama
ēkē o lē.

4 Ntē Pilate bari paga mutē, wēbē ēkē ein
beghamēnē, Digi, a o pagamō o dugo bonyo,
anirē a o ghō din seiye ērē gha barami o wō
niminyo.

5 Jesus animiērēsini paga bo igaragaraba yemi
teri wōrio, bari wowo botuaweibei tua wōrio. Ntē
Pilate wēbē ēkē ein beghamēnē, Digi, kumōbei!

6 Tēbē egbēgua ongumein na, feremōnde ongu-
mein na o rērē ifiemi, ein ilogu pagamōtē begha-
mēnē, O rēkē mgbēsē tinmi ghō tekele kasi,

o reke mgbese tinmi gho tekele kasi. Pilate webe eke ein beghamene, O barana o reke mu, nte o reke mgbese tinmi gho tekele kasi: a o gho diu seiye ere gha eresini.

7 Jew ongumein meremute beghamene, Wa ologo nyana worio, nte ani ologomi gho o fe egbenimi, o emenebodu eke Ayeba Yaibei mie eresini.

8 Pilate mi fieyemi na ifemi, o bari esinteinmo ;

9 Nte o bari mu beredugo warimi gho suo, nte webe eke Jesus beghamene, I ti gho paga bo? Nte Jesus meremu eke o pregha.

10 Animieresini Pilate webe eke o beghamene, I i na fie gha an? I nimi gha an? a kuro nyana wori i kpukponyo barami na, nte a bari kuro nyana wori i eke mgbese tinmi gho tekele kasinyo barami na.

11 Jesus o meremute beghamene, I i gho kuro nyana ngha, heaven gho Ayeba ain eke i pre beresigimo: animieresini i neke i pre bobei dubatein sei nyana worio.

12 Meme eresini Pilate o kpukpo mene doge; nte Jew ongumein ilogu pagamote beghamene, I bei kumobei kpukpo kpukpo a, eri Caesar na mondebogha: emenebodu eke amanyanabo mie bomi Caesar ogboniyo.

13 Pilate animieresini mama bebema na ifemi, o Jesus eke pagamo bo, nte berepele ikasibei gho timi Pavement ye webe tin yomi gho, nte Hebrew bebemi gho, Gabbatha ye webe ain tin.

14 Woku odu tolomo wori sababogomi koru enemi: ani sondio karamo auwami: nte o webe eke Jew ongumein beghamene, Digi, ora Amanyanabobei!

15 Animieresini ein ilogu pagamote beghamene, O sogiosin, o sogiosin, o reke mgbese tinmi gho tekele kasi. Pilate webe eke ein beghamene, Ora amanyanabobei a wo eke mgbese tinmi gho tekele kasinyo an? Tebe egbegua ongumein meremute beghamene, Wa din amanyanabo nyanagha, Cæsar sigimo.

16 Animieresini o o reke ein pre mgbese tinmi gho tekele kasi mbara ne. Animieresini ein Jesus eke :

17 Nte o paga mu, barana emene mgbese tinmi pura eke, Keme tebe okpokpo e webe tin yomi mu, Hebrew bebemi gho Golgotha e webe tin yomi :

18 Aniyo gho ein o mgbese tinmi gho tekele kasi, bari dua ma keme ka, anga gboribo gboribo, nte Jesus ogbo kubumi gho.

19 Nte Pilate ire ge eke mgbese tinmi gho bolomo. Nte ge barami NAZARETH JESUS JEW ONGUMEIN AMANYANABOBEI.

20 Mi geyemi imi Jew ongu wo go : yo ne ein Jesus eke mgbese tinmi gho tekele kasi yomi, amami na kekia nimi eresini : nte Hebrew bebe na, Latin bebe na, bari Greek bebe na gho ain ge worio.

21 Jew tebe egbegua ongumein animieresini webe eke Pilate beghamene, Jew ongumein Amanyanabobei, webe ge kuma : nte ori re beghamene, Eri Jew ongumein Amanyanabobei.

22 Pilate meremute beghamene, A gete yimibo, a gete ye.

23 Omungu ongumein animieresini, ein Jesus mgbese tinmi gho tekele kasite sou barami na, ora botuaweima eke ineinya kiri die omungubo

gbori anga anga eke; nte kotibei ka: woku kotibei gbenyo fa, ogoño gho koro dori wori.

24 Animieresini ein webe eke dumo dumo beghamene, Barasinte wa o kan kuma, nte wa fun tua, o tubowei suonyo bai: anire Ayeba egberimi bein mokune, beghamene, Ina botua-weima ein weke ein ogbo gho die, nte ini koti ein bari fun tua. Mama yema animieresini omungu ongumein wo mie.

25 Nte Jesus mgbesẹ tinmi tugumi gho o nyingima na, bari o nyingi munarama na, Mary Clopas tama na, bari Mary Magdalene na tie timi.

26 Jesus animieresini o nyingima na, bari o tari tugudugobobei na tie timiyo o ere ifemi, o webe eke o nyingima beghamene, Iyorobo, digi, i yaibei!

27 Anire o bari webe tugudugobobei beghamene, Digi, i nyingima! Nte ani ifemi gho soumu mi gho, tugudugobobei a reke emene wari mu.

28 Memẹ bogo barami na, yemabise fate barami Jesus wo nimi, anire Ayeba egberimi kie kie bein mokune, o beghamene, A eleyo.

29 Kembite win tua beinmo worio ebe anio gho timi: animieresini kembite win beinnimi spongi ein weke hyssop gho gbana, nte okubo o bebemi gho tua.

30 Animieresini Jesus kembite winmi daneke barami na, o beghamene, Ain fa korote: nte o emene tebemi nyongomote, tememi eke pre bogomo mu.

31 Animieresini Jew ongumein, odu tolomo enemi eresini, nte oduma odudomo enemi gho

mgbese tinmi gho timi na fiagha eresini, (ain enemi opu ene eresini) einya buoma nyainmote ein sogiosin mbara n'eke Pilate bi.

32 Omungu ongumein animieresini bo, nte titari bobei buoma nyainmo, bari pi oweibei ka, ori ne ein tua eke o na mgbese tinmi tekele kasi bobei.

33 Nte ein bo Jesus la ifiemi, nte o oruguro fete barami ein w'ere ifiemi, ein ora buoma nyainmo gha:

34 Animbo ebeka omungu ongumein gho gbori-bo begere eke o biri angami temi, nte kirina kirina oduai na mindi na paga bo sara.

35 Nte ori ne erebobei onyatiete, nte ori onyami kokobaiye: nte o kokobaiye fieyo barami o wo nimi worio, anire omene ka meremu moku.

36 Mama yema bo paga, anire Ayeba egberimi bein mokune, O gbori mgba ka nyain mbara fa.

37 Nte din Ayeba egberimi bari fie worio, Ein temite bobei ein wo diginyo.

38 Nte mama yema bo bogo barima na Arimathæa Joseph, sogoibara gho Jesus tugudugobo Jew ongumein esin eresini, Jesus odumi sogiosin mbara eke Pilate bi: nte Pilate boumo eke o pre. Animieresini o bo, nte ori odumi sogiosinte.

39 Nte Nicodemus ka bo, ori ne titari ifiemi gho noin gho o dugo bobobei, kobu worio smurna na, alo na eke tua bo, iku pound sono esi lauyo.

40 Animieresini ein Jesus odumi eke loko bite na, engema na eke ein bakala, Jew ongumein kumo dibi barami gho.

41 Woku ein o reke mgbese tinmi gho tekele kasi yomi gho gbori biopolo timi; nte biopolomi

gho bene bene mani kumo sungha nimi ewo dubu timi.

42 Anio gho Jew ongumein odu tolo mo enemi eresini (dubumi ka bari kekianimi eresini) ein Jesus eke sun worio.

CHAPTER XX.

1 WOKU wikimi titari enemi gho Mary Magdalenema badede puko puko gho dubumi bo, ain atankoro nimi ifemi, nte dubumi gho ikputumi sogiosinte barami ere.

2 Animieresini a mange mu Simon Peter na, bari Jesus tari pi tugudugobobei na dugo bo, nte webe eke ein beghamene, Dubumi gho ein Nyanabobei sogiosinte, nte ein o reke sun worio yomi wa wo nimigha.

3 Animieresini Peter na, bari pi tugudugobobei na paga dubumi da mu.

4 Nte einya ma kemebise mange: nte pi tugudugobobei mange Peter bogo, nte titari bo dubumi la;

5 Nte toun biomi digi ifemi, loko abitema koro timite o ere, animbo ebeka o biomi gho suo gha.

6 Animieresini Simon Peter ka o dugomo bo, nte mu dubumi gho suo; nte loko abitema koro timite o ere,

7 Bari eke o tebemi fina wori bebe kuo bitebei ka, loko abitema na kekia koro timi gha, nte kpo eke gbori anga gho sigimo koromo worio.

IJO JOHN.

F

8 Animieresini wekere pi tugudugobo ne titari bo dubumi la bobei ka suo, nte o ere nte meremu.

9 O pa femi gho sounyo barami, ein mani weke Ayeba egberimi nimi ghatē mi eresini.

10 Animbarambo na tugudugo ongumein bari bogo emene wari mu.

11 Nte Mary dubumi angami gho tietimi youyo: nte a youyo barami na, a toun dubumi biomi digi;

12 Nte main angel ongu pina biriyai gho timite a ere, dumo tebego, dumo bari buogo, Jesus odumi sun wori yomi gho.

13 Nte ein webe eke a beghamene, Iyorobo, tei ne i youyo? A webe eke ein beghamene, Ein ini Nyanabobei sogiosinte ein o reke sun worioyo a wo nimi gha eresini.

14 A animbarami fiete sou barami na, abodu a wo wage, nte Jesus tie timiyo ere, nte Jesus bara a wo nimi gha.

15 Jesus webe eke a beghamene, Iyorobo, Tei ne i youyo? i tubo dogeyo? A o reke biopolomi digibobei ton, nte webe eke o beghamene, Nyana-bo, i mio gho o sogiosinte ebaba, i o reke koromo worio yomi wo gba eke i pre, nte a mu o sogiosinnyo.

16 Jesus webe eke a beghamene, Mary. Abodu a wo wage, nte Hebrew bebe gho webe eke o beghamene, Rabboni: animi eke beyo yemi, Telimobo.

17 Jesus webe eke a beghamene, I gbolo kuma: a mani iwo Daubei dugo mu gha nimi eresini; nte bogo ina muna ongumein dugomo mu, nte webe eke ein beghamene, A iwo i Dau

na bari o Dau na, bari inì Ayeba na ora Ayeba na dugo munyo.

18 Mary Magdalene bo gba tugudugo ongumein pre, A Nyanabobei erete; nte o bari mama yema eke a na fiete barami ka.

19 Animieresini ani enemi bo borobu ifiemi, wikimi titari enemi, Jew ongumein esin eresini, tugudugo ongumein timi yomi gho bugoma gban worio ifiemi, Jesus bo ein ogbomi gho tiete, webe eke ein beghamene, Domo o la.

20 O meme fiete sou barami na, o emene barama na, biri angami na eke ein dia. Animieresini tugudugo ongumein biobe, ein Nyanabobei ere ifiemi.

21 Animieresini Jesus bari webe eke ein beghamene, Domo o la: Daubei i feremote barambo, mi barambo eri ka o feremo.

22 Nte o meme fiete sou barami na, o inyo eke ein saramote webe eke ein beghamene, Ebi Tememi o wo daneke:

23 Tubo tubo sei ne o reke bogomoyai bogomoyai, a a reke ebogomonyo; tubo tubo sei ne o kokoyai kokoyai, a kokonyo.

24 Nte Thomas, oyi ma keme fendimein gho gboribo, Didymus e webe tin bobei, ein na fa timi, Jesus bo ifiemi.

25 Pi tugudugo ongumein animieresini webe eke o beghamene, Wa Nyanabobei erete. Nte o webe eke ein beghamene, Ora barama gho turuma opogoloma a were, nte inì barasungbalemi eke turuma opogoloma gho tua, bari inì barami eke o biri angami gho suomo beresigimo, a meremu mbara fa.

26 Nte nine anoin bogo barami na, o tugu-

dugo ongumein bari warimi bio ghò timi, nte Thomas ka ein na timi. Bugoma gban timi ifiemi, Jesus bo ogbomi ghò tietè beghamene, Domo o la.

27 Anire o webe eke Thomas beghamene, Iní barasungbalemi sosomo bo inà barama digi; bari iní barami sosomo bo iní biri angami ghò suomo: meremu fa bara eke timi kuma, nte meremu.

28 Thomas meremute webe eke o beghamene, Iní Nyanabo na, bari iní Ayeba na.

29 Jesus webe eke o beghamene, I í nerete eresini, í meremute: tari eni ne ereghamo meremuyo ongumein la.

30 Tongha tongha dua lelegimo aye ne mi dirimi ghò ge gha yai, Jesus o tugudugo ongumein ogbo nghò wo mie:

31 Nte mamama wo ge timi, anire Jesus Christbei barami o wo meremu mokune, Ayeba Yaibei; bari meremuyomi dugo tolu ghò o o iremi ghò numo nyana mokune.

CHAPTER XXI.

1 MAMA yema bo bogò barami na, Jesus bari emenebodu eke o tugudugo ongumein dia Tiberias torumi ghò; mi o emenebodu eke dia bara.

2 Simon Peter na, Thomas Didymus e webe tin bobei na, Nathaniel Galilee Canabobei na, Zebedee yai ongumein na, bari o tugudugo ongumein ghò dua ma keme na gboriyo ghò timi.

3 Simon Peter webe eke ein beghamene, A bou muyo. Ein webe eke o beghamene, Wamene ka í na boyo. Ein paga mu aromi gho bogolo; nte ani noinmi ein ye gen kalie ka ba gha.

4 Nte enemi bo bayo barami na, Jesus torumi angami gho tietimi: animbo ebeka tugudugo ongumein ori Jesus barami ein wo nimi gha.

5 Animieresini Jesus webe eke ein beghamene, Owoma, o fenyoye nyana worio an? Ein o meremute beghamene, Ongha.

6 Nte o webe eke ein beghamene, Igbobei eke aromi amabarangami gho koromo, nte o banyo. Animieresini ein koromo, nte woku ein bari ine o nunu gha, indi opu itumi eresini.

7 Animieresini ori tugudugobo ne Jesus tarite bobei webe eke Peter beghamene, Bei Nyana-bobei. Animieresini Simon Peter Nyanabobei e webe na ifemi, o emene kotibei eke tua (o papatugu timi eresini), nte dosi torumi gho koro.

8 Nte pi tugudugo ongumein kala aromi gho bo, (ein kiri wori sigimo bogo gba eresini, nte sigimo yomi cubit oyi si rembe), indi beinnimi igbobei nunuyo.

9 Animieresini ein bo kiriti la ifemi, yomi gho onye fene ein w'ere, nte indi ka ain gho gbana timi, bari fitoru ka timi.

10 Jesus webe eke ein beghamene, Woku gho o bate indima o w'okubo.

11 Animieresini Simon Peter mu igbobei nunu bo kiri lamo, opu indi beinnimi, sonoma fa nine esi: mibarambo a w'eke imi nimi ebeka, igbobei kangha.

12 Jesus webe eke ein beghamene, O bo ye fe. Nte tugudugo ongumein gho gboribo gboribo ka,

Èrì tubọ an? webe bigha, Nyanabobei barami ein wo nimi worio eresini.

13 Jesus bo fitorumi kon eke ein pre, bari indima ka eke ein pre.

14 Meme terai karamo ifie ne Jesus emenebodu eke tugudugo ongumein dia ifie, o femi gho sou ifiemi.

15 Ein afiai fete sou barami na, Jesus webe eke Simon Peter beghamene, Simon, John yai, i i tari meinmein nengi worio an? O webe eke o beghamene, Inye, Nyanabo: a i tari worio barami i wo nimi worio. O webe eke o beghamene, Ina onana owomamein gbale.

16 O bari main karamo ifiemi gho webe eke o beghamene, Simon, John yai, i i tari worio an? O webe eke o beghamene, Inye, Nyanabo, a i tari worio barami, i wo nimi worio. O webe eke o beghamene, Ina onanama tolomo wo digi.

17 O terai karamo ifiemi gho webe eke o beghamene, Simon, John yai, i i tari worio an? Ye, i i tari worio? ma terai karamo ifiema gho o webe eresini Peter bioforo. Nte o webe eke o beghamene, Nyanabo, Èrì yemabise nimi worio; a i tari worio barami i wo nimi worio. Jesus webe eke o beghamene, Ina onanama gbale.

18 Kesiye, kesiye, a gba eke i preyo, I ewo timi ifiemi, i barana inibodu foko, nte monde i bobele yoyo mu: nte i elemunyo ifiemi, i ina barama sunmo, nte dumo re eke i fokonyo, nte i pura i bobelegha yo munyo.

19 Woku meme o wo fie, o bomo eke Ayeba birimonyo femi o wo tomo. Nte meme o wo fie barami na, o webe eke o beghamene, I dugo.

20 Peter wage barami na, Jesus tari tugudugo-

bobei dugoyo barami o rere; ori ne borobu afiai yo gho Jesus biotugumi serere wote bobei, nte beghamene, Nyanabo, i derinyo bomi tubo?

21 Animieresini Peter o rere barami na, webe eke Jesus beghamene, Nyanabo, nte bei kumobei tei mienyo.

22 Jesus webe eke o beghamene, Yo re gho eri bobete o timi me a bari wage bonyo mebeba, animi i gho teiye an? Eri i dugo.

23 Animieresini mi fieyemi paga muna ongu-mein ogbomi mie, animi ori tugudugobobei fe ghanyo, mebe barami: animbo ebeka o fe ghanyo me, Jesus webe eke o begha; nte, Yo re gho eri bobete o timi me a bari wage bonyo mebeba, animi i gho teiye an?

24 Bei bei tugudugobo ne mama yema gho onyatiebobei, bari mama yema gebobei: nte ori onyami kokobaiye barami wa wo nimi worio.

25 Nte Jesus mie tongha tongha duaye ka emi, ara ne a gho gboriye gboriye ge mebeba, a ikiomo bara gho seborumibo ka ine ein genyo ma dirima da mbara fa.